



117

服部文庫  
117  
156  
—





117  
156

五經正文小引

五經正文舊刻漫漶讀書生艱於  
佔俾屬者井戶冕就予校本更爲  
訂正以公海內大抵中國典籍順  
文屬讀句度自分者隨此方語順  
逆先後纔會其義精微之趣竟有



難盡者讀者領其大旨可矣

享保歲在乙卯九月穀旦

伊藤長胤拜書



詩經總目

國風

周南 一之一  
十一篇

關雎 葛覃 卷耳 樛木 螽斯 桃夭

兔置 采芣 漢廣 汝墳 麟之趾

召南 一之二  
十五篇 鵲巢 采芣 草蟲 采蘋

甘棠 行露 羔羊 殷其雷 標有梅

小星 江有汜 野有死麕 何彼穠矣 騶虞

邶 一之三  
十九篇 柏舟 綠衣 燕燕 日月

終風 擊鼓 凱風 雄雉 匏有苦葉



谷風 式微 旄丘 簡兮 泉水 北門

北風 靜女 新臺 二子乘舟

鄘 十一之四 十篇

柏舟 牆有茨 君子偕老 桑中 鶉之奔奔

定之方中 蝦蟇 相鼠 干旄 載馳

衛 十一之五 十篇

淇奥 考槃 碩人 氓 竹竿 芄蘭

河廣 伯兮 有狐 木瓜

王 十一之六 十篇

黍離 君子于役 君子陽陽 揚之水 中谷有蕓

兔爰 葛藟 采芣 大車 丘中有麻

鄭 十一之七 二十一篇 緇衣 將仲子 叔于田

大叔于田 清人 羔裘 遵大路

女曰雞鳴 有女同車 山有扶蘇 蘼兮

狡童 褰裳 丰 東門之墀 風雨 子衿

揚之水 出其東門 野有蔓草 溱洧

齊 十一之八 十篇

雞鳴 還 著 東方之日 東方未明

南山 甫田 盧令 敝笱 載驅 猗嗟

魏 十一之九 七篇 葛屨 汾沮洳

詩經



園有桃 陟岵 十畝之間 伐檀 碩鼠

唐 十一之十 十二篇 蟋蟀 山有樞

揚之水 椒聊 綢繆 杖杜 羔裘

鶉羽 無衣 有杖之杜 葛生 采芩

秦 十一之十一 十篇 車鄰 駟騏 小戎 蒹葭

終南 黃鳥 晨風 無衣 渭陽 權輿

陳 十一之十二 十篇

宛丘 東門之枌 衡門 東門之池 東門之揚

墓門 防有鵲巢 月出 株林 澤陂

檜 十一之十三 四篇

羔裘 素冠 隰有萋楚 匪風

曹 十一之十四 四篇

蟋蟀 候人 鴈鳩 下泉

豳 十一之十五 七篇 七月 鴟鴞

東山 破斧 伐柯 九罭 狼跋

小雅

鹿鳴之什 十二之十一 十篇

鹿鳴 四牡 皇皇者華 常棣 伐木

天保 采芣 出車 杖杜 南陔

白華之什 十二之一 十篇

詩經



白華 華黍 魚麗 由庚 南有嘉魚

崇丘 南山有臺 由儀 蓼蕭 湛露

彤弓之什 二之三 十篇 彤弓 菁菁者莪 六月 采芑 車攻

吉日 鴻鴈 庭燎 沔水 鶴鳴

祈父之什 二之四 十篇 祈父 白駒 黃鳥 我行其野 斯干

無羊 節南山 正月 十月之交 雨無正

小旻之什 二之五 十篇 小旻 小宛 小弁 巧言 何人斯

巷伯 谷風 蓼莪 大東 四月

北山之什 二之六 十篇 北山 無將大車 小明 鼓鐘 楚茨

信南山 甫田 大田 瞻彼洛矣 裳裳者華

桑扈之什 二之七 十篇 桑扈 鴛鴦 頍弁 車牽 青蠅

賓之初筵 魚藻 采芣 角弓 苑柳

都人士之什 二之八 十篇 都人士 采芣 黍苗 隰桑 白華

繇蠻 瓠葉 漸漸之石 苕之華 何草不黃

詩經正文

目

目

目

目

目

目



大雅

文王之什 三之一  
十篇

文王 大明 緜 棫樸 旱麓

思齊 皇矣 靈臺 下武 文王有聲

生民之什 三之二  
十篇

生民 行葦 既醉 鳧鷖 假樂

公劉 洞酌 卷阿 民勞 板

蕩之什 三之三  
十一篇

蕩 抑 桑柔 雲漢 崧高

烝民 韓奕 江漢 常武 瞻卬 召旻

頌

周頌清廟之什 四之一  
十篇

清廟 維天之命 維清 烈文 天作

昊天有成命 我將 時邁 執競 思文

周頌臣工之什 四之二  
十篇

臣工 噫嘻 振鷺 豐年 有瞽

潛 雝 載見 有客 武

周頌閔予小子之什 四之三  
十一篇

閔予小子 訪落 敬之 小毖 載芣

良耜 絲衣 酌 桓 賚 般



魯頌四之四  
四篇

駉 有駟

泮水 閟宮

商頌四之五  
五篇

那 烈祖

玄鳥 長發 殷武

詩經目錄終

詩經



周南一之一

關關雎鳩在河之洲窈窕淑女君子好逑

參差荇菜左右流之窈窕淑女寤寐求之求之不

得寤寐思服悠哉悠哉輾轉反側參差音識雌

參差荇菜左右采之窈窕淑女琴瑟友之參差荇

菜左右芼之窈窕淑女鐘鼓樂之樂音洛

關雎三章一章四句二章章八句

葛之覃兮施于中谷維葉萋萋黃鳥于飛集于灌木

毛求之不得至展轉及側為一章

毛參差之右尤毛之至鐘鼓樂之為章

詩經正文



木其鳴喑喑音音

葛之覃兮施于中谷維葉莫莫其刈是獲為絲為

言告師氏言告言歸薄汚我私薄澣我衣室澣室

葛覃二章章六句

采采卷耳不盈頃筐嗟我懷人寘彼周行寘置也

陟彼崔嵬我馬虺隤我姑酌彼金罍維以不末懷

陟彼高岡我馬玄黃我姑酌彼兕觥維以不末傷

陟彼砠矣我馬瘠矣我僕痡矣云何吁矣

虺隤音灰類音豐音音雷祖音祖音

卷耳四章章四句

南有樛木葛藟荒之樂只君子福履綏之

南有樛木葛藟荒之樂只君子福履將之

南有樛木葛藟荒之樂只君子福履成之

樛木三章章四句

螽斯羽詵詵兮宜爾子孫振振兮詵音辛

螽斯羽薨薨兮宜爾子孫繩繩兮

螽斯羽揖揖兮宜爾子孫摯摯兮

螽斯三章章四句

桃之夭夭灼灼其華之子于歸宜其室家

詩經正文



桃之夭夭有蕢其實之子于歸宜其家室  
桃之夭夭其葉蓁蓁之子于歸宜其家人

桃夭三章章四句

蕭蕭兔置椽之丁丁起起武夫公侯于城  
蕭蕭兔置施于中庭起起武夫公侯好仇  
蕭蕭兔置施于中林起起武夫公侯腹心

兔置三章章四句

采采芣苢薄言采之采采芣苢薄言有之  
采采芣苢薄言擷之采采芣苢薄言掇之  
采采芣苢薄言袺之采采芣苢薄言襜之

芣苢三章章四句

南有喬木不可休息漢有游女不可求思漢之廣  
矣不可泳思江之永矣不可方思  
翹翹錯薪言刈其楚之子于歸言秣其馬漢之廣  
矣不可泳思江之永矣不可方思  
翹翹錯薪言刈其萋之子于歸言秣其駒漢之廣  
矣不可泳思江之永矣不可方思

漢廣三章章八句

遵彼汝墳伐其條枚未見君子惄如調飢  
遵彼汝墳伐其條肄既見君子不我遐棄

墳毛傳作濱

遠也

墳大  
防也  
肄音  
異

有既得  
之也

也  
袺執社

潛行爲泳方泚  
也



魴魚頰尾王室如燬雖則如燬父母孔邇邑近也

赤也汝墳三章章四句

麟之趾振振公子于嗟麟兮

麟之定振振公姓于嗟麟兮

麟之角振振公族于嗟麟兮

麟之趾三章章三句

召南一之二

維鵲有巢維鳩居之之子于歸百兩御之迎也

維鵲有巢維鳩方之之子于歸百兩將之送也

維鵲有巢維鳩盈之之子于歸百兩成之方有之也

鵲巢三章章四句

于以采芣于沼于沚于以用之公侯之事信昭池也 信止渚也

于以采芣于澗之中于以用之公侯之宮

被之僮僮夙夜在公被之祁祁薄言還歸還音旋

采芣三章章四句

嘒嘒草蟲趨趨阜螽未見君子憂心忡忡亦既見

止亦既覯止我心則降覯遇也

陟彼南山言采其蕨未見君子憂心惓惓亦既見

止亦既覯止我心則說覯音出

陟彼南山言采其薇未見君子我心傷悲亦既見



止亦既觀止我心則夷

草蟲三章章七句

于以采蘋南澗之濱于以采藻于彼行潦

于以盛之維筐及筥于以湘之維錡及釜

于以奠之宗室牖下誰其尸之有齊季女

采蘋三章章四句

蔽芾甘棠勿剪勿伐召伯所茇

蔽芾甘棠勿剪勿敗召伯所憩

蔽芾甘棠勿剪勿拜召伯所說

甘棠三章章三句

說音稅

厭浥行露豈不夙夜謂行多露

誰謂雀無角何以穿我屋誰謂女無家何以速我

獄雖速我獄室家不足

誰謂鼠無牙何以穿我墉誰謂女無家何以速我

訟雖速我訟亦不女從

行露三章一章三句二章章六句

羔羊之皮素絲五紵退食自公委蛇委蛇

羔羊之革素絲五緘委蛇委蛇自公退食

羔羊之縫素絲五總委蛇委蛇退食自公

羔羊三章章四句



殷其雷在南山之陽何斯違斯莫敢或邊振振君子歸哉歸哉

殷其雷在南山之側何斯違斯莫敢違息振振君子歸哉歸哉

殷其雷在南山之下何斯違斯莫或違處振振君子歸哉歸哉

殷其雷三章章六句

標有梅其實七兮求我庶士迨其吉兮

標有梅其實三兮求我庶士迨其今兮

標有梅頃筐既堅之求我庶士迨其謂之

標有梅三章章四句

嘒彼小星三五在東肅肅宵征夙夜在公寔命不

同

嘒音惠

嘒彼小星維參與昴肅肅宵征抱衾與裯寔命不

猶

參音森○猶亦同也

小星二章章五句

江有汜之子歸不我以不我以其後也悔

汜音祀

江有渚之子歸不我與不我與其後也處

處安也

江有沱之子歸不我過不我過其嘯也歌

江有汜三章章五句



野有死麕白茅包之有女懷春吉士誘之  
林有樛櫟野有死鹿白茅純束有女如王  
舒而脫脫兮無感我悅兮無使尤也

樛櫟音ト  
速純音豚  
脫杜對反

野有死麕三章二章章四句一章三句

何彼穠矣唐棣之華曷不肅雝王姬之車  
何彼穠矣華如桃李平王之孫齊侯之子  
其釣維何維絲伊緡齊侯之子平王之孫

何彼穠矣三章章四句

彼茁者葭壹發五豝于嗟乎騶虞  
彼茁者蓬壹發五豝于嗟乎騶虞

藍音批

騶虞二章章三句

邶一之三

汎彼柏舟亦汎其流耿耿不寐如有隱憂微我無  
酒以敖以遊汎芳劍反

我心匪鑿不可以茹亦有兄弟不可以據薄言往  
愬逢彼之怒

我心匪石不可轉也我心匪席不可卷也威儀棣  
棣不可選也

憂心悄悄愠于羣小覯閔既多受侮不少靜言思  
之寤辟有標



日居月諸胡迭而微心之憂矣如匪幹衣靜言思  
之不能奮飛

栢舟五章章六句

綠兮衣兮綠衣黃裳心之憂矣曷維其已  
綠兮衣兮綠衣黃裳心之憂矣曷維其亡  
綠兮絲兮女所治兮我思古人俾無詆兮  
絺兮綌兮淒其以風我思古人實獲我心

綠衣四章章四句

燕燕于飛差池其羽之子于歸遠送于野瞻望弗  
及泣涕如雨

燕燕于飛頡之頡之之子于歸遠于將之瞻望弗  
及佇立以泣

燕燕于飛上下其音之子于歸遠送于南瞻望弗  
及實勞我心

仲氏任只其心塞淵終溫且惠淑慎其身先君之  
思以勗寡人

燕燕四章章六句

日居月諸照臨下土乃如之人兮逝不古處胡能  
有定寧不我顧

逝發語辭

日居月諸下土是冒乃如之人兮逝不相好胡能



有定寧不我報

日居月諸出自東方乃如之人兮德音無良胡能有定俾也可忘

日居月諸東方自出父兮母兮畜我不卒胡能有定報我不述

日月四章章六句

終風且暴顧我則笑謔浪笑敖中心是悼

暴疾也

終風且霾惠然肯來莫往莫來悠悠我思

終風且曠不日有曠寤言不寐願言則嚏

嚏音灰

曠曠其陰虺虺其雷寤言不寐願言則懷

終風四章章四句

擊鼓其鏜踴躍用兵土國城漕我獨南行

從孫子仲平陳與宋不我以歸憂心有忡

爰居爰處爰喪其馬于以求之于林之下

死生契闊與子成說執子之手與子偕老

于嗟闊兮不我活兮于嗟洵兮不我信兮

擊鼓五章章四句

凱風自南吹彼棘心棘心夭夭母氏劬勞

凱風自南吹彼棘薪母氏聖善我無令人

爰有寒泉在浚之下有子七人母氏勞苦



言部上  
九  
睨皖黃鳥載好其音有子七人莫慰母心

凱風四章章四句

雄雉于飛泄泄其羽我之懷矣自詒伊阻  
泄移世反  
雄雉于飛下上其音展矣君子實勞我心  
展誠也  
瞻彼日月悠悠我思道之云遠曷云能來  
百爾君子不知德行不伎不求何用不臧

雄雉四章章四句

匏有苦葉濟有深涉深則厲淺則揭  
揭音氣  
有瀟濟盈有鷺雉鳴濟盈不濡軌雉鳴求其牡  
瀟音米鷺音杏  
雝雝鳴鴈旭日始旦且士如歸妻迨冰未泮

招招舟子人涉卬否人涉卬否卬須我友  
卬我也

匏有苦葉四章章四句

習習谷風以陰以雨黽勉同心不宜有怒采芣采  
菲無以下體德音莫違及爾同死

行道遲遲中心有違不遠伊邇薄送我畿誰謂荼

苦其甘如薺宴爾新昏如兄如弟  
荼音徒

涇以渭濁湜湜其沚宴爾新昏不我屑以毋逝我

梁毋發我笱我躬不閱遑恤我後  
湜音寔

就其深矣方之舟之就其淺矣泳之游之何有何  
亡黽勉求之凡民有喪匍匐救之



不我能惱反以我為讎既阻我德賈用不售昔者  
恐音鞠及爾顛覆既生既育比予于毒  
我有旨蓄亦以御冬宴爾新昏以我御窮有洗有  
潰既詒我肄不念昔者伊余來塋肄勞也

谷風六章章八句

式微式微胡不歸微君之故胡為乎中露式發語辭  
式微式微胡不歸微君之躬胡為乎泥中

式微二章章四句

旄丘之葛兮何誕之節兮叔兮伯兮何多且也  
何其處也必有與也何其久也必有以也

狐裘蒙戎匪車不東叔兮伯兮靡所與同

褒音又

瑣兮尾兮流離之子叔兮伯兮衰如充耳

旄丘四章章四句

簡兮簡兮方將萬舞日之方中在前上處

俟音詭

碩人俣俣公庭萬舞有力如虎執轡如組

左手執籥右手秉翟赫如渥赭公言錫爵

山有榛隰有苓云誰之思西方美人彼美人兮西

方之人兮

簡兮四章三章章四句一章六句

悲彼泉水亦流于淇有懷于衛靡日不思變彼諸



姬聊與之謀

出宿于泚飲餞于禰テ女子有行遠父母兄弟問我

諸姑遂及伯姊

泚子亂反

出宿于干飲餞于言載脂載牽還車言邁邁臻于

衛不瑕有害

我思肥泉茲之末歎思須與漕我心悠悠駕言出

遊以寫我憂

泉水四章章六句

出自北門憂心殷殷終窶且貧莫知我艱已焉哉

天實為之謂之何哉

王事適我政事一埤益我我入自外室人交徧譴

我已焉哉天實為之謂之何哉

王事敦我政事一埤遺我我入自外室人交徧摧

我已焉哉天實為之謂之何哉

北門三章章七句

北風其涼雨雪其雩惠而好我攜手同行其虛其

邪既亟只且

北風其喑雨雪其霏惠而好我攜手同歸其虛其

邪既亟只且

莫赤匪狐莫黑匪烏惠而好我攜手同車其虛其



邪既亟只且

北風三章章六句

靜女其姝俟我於城隅愛而不見搔首踟躕  
靜女其變貽我彤管彤管有輝說懌女美  
自牧歸荑洵美且異匪女之為美美人之貽

靜女三章章四句

新臺有泚河水瀾瀾燕婉之求籛籛不鮮  
新臺有洒河水浼浼燕婉之求籛籛不殄  
魚網之設鴻則離之燕婉之求得此戚施

新臺三章章四句

汎芳劉反

二子乘舟汎汎其景願言思子中心養養  
二子乘舟汎汎其逝願言思子不瑕有害

二子乘舟二章章四句

鄘一之四

汎彼柏舟在彼中河鬢彼兩髦實維我儀之死矢  
靡他母也天只不諒人只

汎彼柏舟在彼河側鬢彼兩髦實維我特之死矢  
靡慝母也天只不諒人只

柏舟二章章七句

牆有茨不可掃也中冓之言不可道也所可道也



言之醜也

牆有茨不可襄也中冓之言不可詳也所可詳也

言之長也

牆有茨不可束也中冓之言不可讀也所可讀也

言之厚也

牆有茨三章章六句

君子偕老副笄六珈委委佗佗如山如河象服是

宜子之不淑云如之何

玼兮玼兮其之翟也鬢髮如雲不眉鬢也玉之瑱也象之拂也揚且之皙也胡然而天也胡然而

帝也

瑳兮瑳兮其之展也蒙彼縞絺是繼袿也子之清揚揚且之顏也展如之人兮邦之媛也

展之善反

君子偕老三章一章七句一章九句一章

八句

爰采唐矣沫之鄉矣云誰之思美孟姜矣期我乎

桑中要我乎上宮送我乎淇之上矣

沫莫佩反

爰采麥矣沫之北矣云誰之思美孟弋矣期我乎

桑中要我乎上宮送我乎淇之上矣

爰采葍矣沫之東矣云誰之思美孟庸矣期我乎



桑中要我乎上宮送我乎淇之上矣

桑中三章章七句

鶉之奔奔鶉之疆疆人之無良我以為况鶉之疆疆鶉之奔奔人之無良我以為君

鶉之奔奔二章章四句

定之方中作于楚宮揆之以日作于楚室榘之榛

栗椅桐梓漆爰伐琴瑟

升彼虛矣以望楚矣望楚與堂景山與京降觀于

桑土云其吉終焉允臧

靈雨既零命彼倌人星言夙駕說于桑田匪直也

人秉心塞淵騶化三千

定之方中三章章七句

蟋蟀在東莫之敢指女子有行遠父母兄弟朝濟于西崇朝其雨女子有行遠兄弟父母乃如之人也懷昏姻也大無信也不知命也

蟋蟀三章章四句

相鼠有皮人而無儀人而無儀不死何為相鼠有齒人而無止人而無止不死何俟相鼠有體人而無禮人而無禮胡不遄死

相鼠三章章四句



子子干旄在浚之郊素絲紕之良馬四之彼姝者  
子何以畀之

子子干旟在浚之都素絲組之良馬五之彼姝者  
子何以予之

子子干旌在浚之城素絲祝之良馬六之彼姝者  
子何以告之

干旄三章章六句

載馳載驅歸唁衛侯驅馬悠悠言至於漕大夫跋  
涉我心則憂

既不我嘉不能旋反視爾不臧我思不遠既不我  
嘉不能旋濟視爾不臧我思不閔

陟彼阿丘言采其蕀女子善懷亦各有行許人尤  
之衆穉且狂

我行其野芄芃其麥控于大邦誰因誰極大夫君  
子無我有尤百爾所思不如我所之

載馳四章二章章六句二章章八句

衛一之五

瞻彼淇奧綠竹猗猗有匪君子如切如磋如琢如  
磨瑟兮僖兮赫兮咺兮有匪君子終不可諼兮

瞻彼淇奧綠竹青青有匪君子充耳琇瑩會弁如  
詩經



錫音

星瑟兮僊兮赫兮咷兮有匪君子終不可諼兮  
瞻彼淇奧綠竹如簣有匪君子如金如錫如圭如  
璧寬兮綽兮猗重較兮善戲謔兮不為虐兮

淇奧三章章九句

考槃在澗碩人之寬獨寐寤言永矢弗諼

考槃在阿碩人之邁獨寐寤歌永矢弗過

考槃在陸碩人之軸獨寐寤宿永矢弗告

考槃三章章四句

碩人其頰衣錦褰衣齊侯之子衛侯之妻東宮之

妹邢侯之姨譚公維私

手如柔荑膚如凝脂領如蝤蛸齒如瓠犀螭首蛾

眉巧笑倩兮美目盼兮

碩人敖敖說于農郊四牡有騶朱幘鑣鑣翟裼以

朝大夫夙退無使君勞

河水洋洋北流活活施罟濞濞鱸鮪發發葭茨揭

揭庶姜孽孽庶士有暵

碩人四章章七句

氓之蚩蚩抱布貿絲匪來貿絲來即我謀送子涉

淇至于頓丘匪我愆期子無良媒將子無怒秋

以為期



乘彼坵垣以望復關不見復關泣涕漣漣既見復  
關載笑載言爾卜爾筮體無咎言以爾車來以  
我馬遷

桑之未落其葉沃若子嗟鳩兮無食桑甚于嗟女  
今無與士耽士之耽兮猶可說也女之耽兮不  
可說也

桑之落矣其黃而隕自我徂爾三歲食貧淇水湯  
湯漸車帷裳女也不爽士貳其行士也罔極二  
三其德

湯書手反

三歲為婦靡室勞矣夙興夜寐靡有朝矣言既遂  
矣至于暴矣兄弟不知嗟其笑矣靜言思之躬

自悼矣

嗟許意反

及爾偕老老使我怨淇則有岸隰則有泮總角之  
嬖言笑晏晏信誓旦旦不思其反反是不思亦  
已焉哉

氓六章章十句

籊籊竹竿以釣于淇豈不爾思遠莫致之

籊他歷反

泉源在左淇水在右女子有行遠父母兄弟

儻奴何反

淇水在右泉源在左巧笑之瑳佩玉之儺  
淇水漣漣檜楫松舟駕言出遊以寫我憂



竹竿四章章四句

芄蘭之支童子佩觿雖則佩觿能不我知容兮遂

兮垂帶悸兮

芄蘭之葉童子佩鞶雖則佩鞶能不我甲容兮遂

兮垂帶悸兮

鞶失涉反

芄蘭二章章六句

誰謂河廣一葦杭之誰謂宋遠跂予望之

誰謂河廣曾不容刀誰謂宋遠曾不崇朝

河廣二章章四句

伯兮胡兮邦之桀兮伯也執殳為王前驅

自伯之東首如飛蓬豈無膏沐誰適為容

其雨其雨杲杲出日願言思伯甘心首疾

焉得諼草言樹之背願言思伯使我心痲

諼况表反

伯兮四章章四句

有狐綏綏在彼淇梁心之憂矣之子無裳

有狐綏綏在彼淇厲心之憂矣之子無帶

有狐綏綏在彼淇側心之憂矣之子無履

有狐三章章四句

投我以木瓜報之以瓊琚匪報也末以為好也

投我以木桃報之以瓊瑤匪報也末以為好也



言終  
投我以木李報之以瓊玖匪報也未以為好也  
木瓜三章章四句

王之一之六

彼黍離離彼稷之苗行邁靡靡中心搖搖知我者  
謂我心憂不知我者謂我何求悠悠蒼天此何  
人哉

彼黍離離彼稷之穗行邁靡靡中心如醉知我者  
謂我心憂不知我者謂我何求悠悠蒼天此何  
人哉

彼黍離離彼稷之實行邁靡靡中心如噎知我者  
謂我心憂不知我者謂我何求悠悠蒼天此何  
人哉

黍離三章章十句

君子于役不知其期曷至哉雞棲于埘日之夕矣  
羊牛下來君子于役如之何勿思  
君子于役不日不月曷其有佖雞棲于桀日之夕  
矣牛羊下括君子于役苟無飢渴  
君子于役二章章八句

君子陽陽左執簧右招我由房其樂只且  
君子陶陶左執翫右招我由敖其樂只且



君子陽陽二章章四句

揚之水不流束薪彼其之子不與我戍軫懷哉懷

哉曷月予還歸哉

其語助辭

揚之水不流束楚彼其之子不與我戍甫懷哉懷

哉曷月予還歸哉

揚之水不流束蒲彼其之子不與我戍許懷哉懷

哉曷月予還歸哉

揚之水三章章六句

中谷有蕓嘆其乾矣有女仳離嘒其嘆矣嘒其嘆

矣遇人之艱難矣

蕓吐雷反  
嘒口愛反

中谷有蕓嘆其修矣有女仳離條其歡矣條其歡

矣遇人之不淑矣

中谷有蕓嘆其濕矣有女仳離啜其泣矣啜其泣

矣何嗟及矣

啜張劣反

中谷有蕓三章章六句

有兔爰爰雉離于羅我生之初尚無為我生之後

逢此百罹尚寐無訖

有兔爰爰雉離于罌我生之初尚無造我生之後

逢此百憂尚寐無覺

罌音孕  
置音童

有兔爰爰雉離于置我生之初尚無庸我生之後



言經正  
逢此百凶尚寐無聰

兔爰三章章七句

緜緜葛藟在河之滸終遠兄弟謂他人父謂他人父亦莫我顧

緜緜葛藟在河之涘終遠兄弟謂他人母謂他人母亦莫我有

緜緜葛藟在河之漘終遠兄弟謂他人昆謂他人昆亦莫我聞

葛藟三章章六句

彼采葛兮一日不見如三月兮

彼采蕭兮一日不見如三秋兮

彼采艾兮一日不見如三歲兮

采葛三章章三句

太車檻檻毳衣如茨豈不爾思畏子不敢

太車噶噶毳衣如璫豈不爾思畏子不奔

穀則異室死則同穴謂予不信有如皦日

太車三章章四句

丘中有麻彼留子嗟彼留子嗟將其來施施

丘中有麥彼留子國彼留子國將其來食

丘中有李彼留之子彼留之子貽我佩玖

毳尺鏡反  
茨吐敢反  
噶他敦反  
璫音朋  
皦古了反



丘中有麻三章章四句

鄭一之七

緇衣之宜兮敝予又改為兮適子之館兮還予授

子之粲兮宜本聲

緇衣之好兮敝予又改造兮適子之館兮還予授

子之粲兮

緇衣之蓆兮敝予又改作兮適子之館兮還予授

子之粲兮蓆大也

緇衣三章章四句

將仲子兮無踰我里無折我樹杞豈敢愛之畏也

父母仲可懷也父母之言亦可畏也將請也

將仲子兮無踰我牆無折我樹桑豈敢愛之畏我

諸兄仲可懷也諸兄之言亦可畏也

將仲子兮無踰我園無折我樹檀豈敢愛之畏人

之多言仲可懷也人之多言亦可畏也

將仲子三章章八句

叔于田巷無居人豈無居人不如叔也洵美且仁

叔于狩巷無飲酒豈無飲酒不如叔也洵美且好

叔適野巷無服馬豈無服馬不如叔也洵美且武

叔于田三章章五句



將請也 初習也

鴉音保 慢遲也

叔于田乘乘馬執轡如組兩驂如舞叔在藪火烈

具舉禮揚暴虎獻于公所將叔無徂戒其傷女

叔于田乘乘黃兩服上襄兩驂鴈行叔在藪火烈

具揚叔善射忌又良御忌抑磬控忌抑縱送忌

叔于田乘乘鴉兩服齊首兩驂如手叔在藪火烈

具阜叔馬慢忌叔發罕忌抑釋柎忌抑鬯弓忌

大叔于田三章章十句

清人在彭駟介旁旁二矛重英河上乎翺翔

清人在消駟介麇麇二矛重喬河上乎逍遙

清人在軸駟介陶陶左旋右抽中軍作好

清人三章章四句

羔裘如濡洵直且侯彼其之子舍命不渝

羔裘豹飾孔武有力彼其之子邦之司直

羔裘晏兮三英粲兮彼其之子邦之彥兮

羔裘三章章四句

遵大路兮摯執子之祛兮無我惡兮不寔故也

遵大路兮摯執子之手兮無我醜兮不寔好也

遵大路二章章四句

女曰雞鳴士曰昧且子與視夜明星有爛將翱將

翔弋鳧與鴈

也 遲速 醜同 翻與



弋言加之與子宜之宜言飲酒與子偕老琴瑟在

御莫不靜好加中也

知子之來之雜佩以贈之知子之順之雜佩以問

之知子之好之雜佩以報之順愛也 問遺也

女曰雞鳴三章章六句

有女同車顏如舜華將翱將翔佩玉瓊琚彼美孟

姜洵美且都

有女同行顏如舜英將翱將翔佩玉將將彼美孟

姜德音不忘將七羊反

有女同車一章章六句

山有扶蘇隰有荷華不見子都乃見狂且

山有喬松隰有游龍不見子充乃見狡童

山有扶蘇一章章四句

摯兮摯兮風其吹女叔兮伯兮倡予和女

摯他落反

摯兮摯兮風其漂女叔兮伯兮倡予要女

要成也

摯兮二章章四句

彼狡童兮不與我言兮維子之故使我不能餐兮

彼狡童兮不與我食兮維子之故使我不能息兮

狡童二章章四句

子惠思我褰裳涉溱子不我思豈無他人狂童之



狂也且

子惠思我褰裳涉澗子不我思豈無他士狂童之狂也且

褰裳二章章五句

子之丰兮俟我乎巷兮悔予不送兮

子之昌兮俟我乎堂兮悔予不將兮

衣錦褰衣裳錦褰裳叔兮伯兮駕予與行

裳錦褰衣裳錦褰衣叔兮伯兮駕予與歸

丰四章二章章三句二章章四句

東門之墠茹蘆在阪其室則邇其人甚遠

墠音申

東門之栗有踐家室豈不爾思子不我即

東門之墠二章章四句

風雨凄凄雞鳴喈喈既見君子云胡不夷

風雨瀟瀟雞鳴膠膠既見君子云胡不瘳

風雨如晦雞鳴不已既見君子云胡不喜

風雨三章章四句

青青子衿悠悠我心縱我不往子寧不嗣音

青青子佩悠悠我思縱我不往子寧不來

挑兮達兮在城闕兮一日不見如三月兮

挑他刀反 達他未反

子衿三章章四句



揚之水不流東楚終鮮兄弟維予與女無信人之言人實廷女廷誰也

揚之水不流東薪終鮮兄弟維予二人無信人之言人實不信

揚之水二章章六句

出其東門有女如雲雖則如雲匪我思存縞衣綦巾聊樂我員

出其闔閭有女如荼雖則如荼匪我思且縞衣茹蘆聊可與娛闔音因 閨音都 荼音徒

出其東門二章章六句

野有蔓草零露漙漙兮有美一人清揚婉兮邂逅相遇適我願兮溥徒端反

野有蔓草零露漙漙有美一人婉如清揚邂逅相遇與子偕臧

野有蔓草二章章六句

溱與洧方渙渙兮士與女方秉蘭兮女曰觀乎士曰既且且往觀乎洧之外洵訏且樂維士與女伊其相謔贈之以芍藥蘭古顏反訏大也

溱與洧瀏其清矣士與女殷其盈矣女曰觀乎士曰既且且往觀乎洧之外洵訏且樂維士與女



伊其將譖贈之以芍藥

殷衆也將當作相

秦有二章章十二句

齊一之八

雞既鳴矣朝既盈矣匪雞則鳴蒼蠅之聲

東方明矣朝既昌矣匪東方則明月出之光

蟲飛薨薨甘與子同夢會且歸矣無庶予子愴

雞鳴三章章四句

子之還兮遭我乎徂之間兮並驅從兩肩兮揖我

謂我儂兮

還旋同音徂乃刀反

子之茂兮遭我乎徂之道兮並驅從兩牡兮揖我

謂我好兮

子之昌兮遭我乎徂之陽兮並驅從兩狼兮揖我

謂我臧兮

還三章章四句

俟我於著乎而充耳以素乎而尚之以瓊華乎而

俟我於庭乎而充耳以清乎而尚之以瓊瑩乎而

俟我於堂乎而充耳以黃乎而尚之以瓊英乎而

著三章章三句

東方之日兮彼姝者子在我室兮在我室兮覆我

卽兮



東方之月兮彼姝者子在我闈兮在我闈兮復我發兮

東方之日二章章五句

東方未明顛倒衣裳顛之倒之自公召之  
東方未晞顛倒裳衣倒之顛之自公令之  
折柳樊圃狂夫瞿瞿不能晨夜不夙則莫

東方未明二章章四句

南山崔崔雄狐綏綏魯道有蕩齊子由歸既曰歸  
止曷又懷止

止曷又從止

藝麻如之何復從其畝取妻如之何必告父母既  
曰告止曷又鞠止

析薪如之何匪斧不克取妻如之何匪媒不得既  
曰得止曷又極止

南山四章章六句

無田甫田維莠驕驕無思遠人勞心忉忉  
無田甫田維莠桀桀無思遠人勞心怛怛  
婉兮變兮總角卅兮未幾見兮突而弁兮

甫田三章章四句



言終止  
盧令令其人美且仁

盧重環其人美且鬢

盧重鉞其人美且偲

偲七才反  
鉞音枚

盧令三章章二句

敝筍在梁其魚魴鰈齊子歸止其從如雲

鰈才呂反

敝筍在梁其魚魴鰈齊子歸止其從如雨

敝筍在梁其魚唯唯齊子歸止其從如水

敝筍三章章四句

載驅薄薄簞茀朱鞞曾道有蕩齊子發夕

薄普各反  
鞞乃礼反

四驪濟濟垂轡灑灑曾道有蕩齊子豈弟

汶水湯湯行人彭彭曾道有蕩齊子翱翔

湯書羊反

汶水滔滔行人儻儻曾道有蕩齊子遊敖

載驅四章章四句

倚嗟昌兮頎而長兮抑若揚兮美目揚兮巧趨踰

兮射則臧兮

倚嗟名兮美目清兮儀既成兮終日射侯不出正

兮展我甥兮

倚嗟變兮清揚婉兮舞則選兮射則貫兮四矢反

兮以禦亂兮

倚嗟三章章六句



魏一之九

糾糾葛屨可以履霜摻摻女手可以縫裳要之襍

之好人服之

提徒兮反

好人提提宛然左辟佩其象揅維是褊心是以為刺

葛屨二章一章六句一章五句

彼汾沮洳言采其莫彼其之子美無度美無度殊

異乎公路

莫音暮

其語助辭

彼汾一方言采其桑彼其之子美如英美如英殊

異乎公行

黃音續

彼汾一曲言采其蕢彼其之子美如玉美如玉殊

異乎公族

汾沮洳三章章六句

園有桃其實之散心之憂矣我歌且謔不知我者

謂我士也驕彼人是哉子曰何其心之憂矣其

誰知之其誰知之蓋亦勿思

園有棘其實之食心之憂矣聊以行國不知我者

謂我士也罔極彼人是哉子曰何其心之憂矣

其誰知之其誰知之蓋亦勿思

園有桃二章章十二句

陟彼岵兮瞻望父兮父曰嗟予子行役夙夜無已



言經正文  
上慎旃哉猶來無止

陟彼岵兮瞻望母兮母曰嗟予季行役夙夜無寐

上慎旃哉猶來無棄

陟彼岡兮瞻望兄兮兄曰嗟予弟行役夙夜必偕

上慎旃哉猶來無死

陟岵三章章六句

十畝之間兮桑者閑閑兮行與子還兮

十畝之外兮桑者泄泄兮行與子逝兮

十畝之間二章章三句

坎坎伐檀兮寘之河之干兮河水清且漣漪不稼

不穡胡取禾三百廛兮不狩不獵胡瞻爾庭有

縣貆兮彼君子兮不素餐兮

貆呼淵反 猗語助辭

坎坎伐輻兮寘之河之側兮河水清且直猗不稼

不穡胡取禾三百億兮不狩不獵胡瞻爾庭有

縣特兮彼君子兮不素食兮

坎坎伐輪兮寘之河之漘兮河水清且淪漪不稼

不穡胡取禾三百困兮不狩不獵胡瞻爾庭有

縣鶉兮彼君子兮不素殮兮

伐檀三章章九句

碩鼠碩鼠無食我黍三歲貫女莫我肯顧逝將去



女適彼樂土樂土爰得我所

碩鼠碩鼠無食我麥三歲貫女莫我肯德逝將去

女適彼樂國樂國爰得我直

碩鼠碩鼠無食我苗三歲貫女莫我肯勞逝將去

女適彼樂郊樂郊誰之永號

碩鼠三章章八句

唐一之十

蟋蟀在堂歲聿其莫今我不樂日月其除無已大

康職思其居好樂無荒良士瞿瞿

蟋蟀在堂歲聿其逝今我不樂日月其邁無已大

康職思其外好樂無荒良士蹶蹶

蹶俱衛反

蟋蟀在堂役車其休今我不樂日月其慆無已大

康職思其憂好樂無荒良士休休

蟋蟀三章章八句

山有樞隰有榆子有衣裳弗曳弗婁子有車馬弗

馳弗驅宛其死矣他人是愉

樞烏侯反 榆以朱反

山有栲隰有杻子有廷內弗洒弗埽子有鐘鼓弗

鼓弗考宛其死矣他人是保

杻女九反

山有漆隰有栗子有酒食何不日鼓瑟且以喜樂

且以末日宛其死矣他人入室



山有樞三章章八句

揚之水白石粼粼素衣朱襮從子于沃既見君子云何不樂

云何其憂

鶴言浩

揚之水白石粼粼我聞有命不敢以告人揚之水三章二章章六句一章四句

椒聊之實蕃衍盈升彼其之子碩大無朋椒聊且遠條且

其語助辭

遠條且

椒聊二章章六句

繆莫彪反 彼幽反

後漢班彪亦 彼幽反

繆繆束薪三星在天今夕何夕見此良人子兮子兮如此良人何

繆繆束芻三星在隅今夕何夕見此邂逅子兮子兮如此邂逅何

繆繆束楚三星在戶今夕何夕見此粲者子兮子兮如此粲者何

綢繆三章章六句

有秋之杜其葉湑湑獨行踽踽豈無他人不如我



同父嗟行之人胡不比焉人無兄弟胡不飲焉  
有杖之杜其葉菁菁獨行曷曷豈無他人不如我  
同姓嗟行之人胡不比焉人無兄弟胡不飲焉

杖杜二章章九句

羔裘豹袂自我人居居豈無他人維子之故  
羔裘豹褱自我人究究豈無他人維子之好

羔裘二章章四句

肅肅鵠羽集于苞栩王事靡盬不能執耒黍稷父母  
何怙悠悠蒼天曷其有所

肅肅鵠翼集于苞棘王事靡盬不能執耒黍稷父母  
何食悠悠蒼天曷其有極

肅肅鵠行集于苞桑王事靡盬不能執耒黍稷父母  
何嘗悠悠蒼天曷其有常

鵠羽三章章七句

豈曰無衣七兮不如子之衣安且吉兮  
豈曰無衣六兮不如子之衣安且燠兮

無衣二章章三句

有杖之杜生于道左彼君子兮噬肯適我中心好  
之曷飲食之

有杖之杜生于道周彼君子兮噬肯來遊中心好



詩經曰文  
之曷飲食之

有林之杜二章章六句

葛生蒙楚蔭蔓于野予美亡此誰與獨處  
葛生蒙棘蔭蔓于域予美亡此誰與獨息  
角枕粲兮錦衾爛兮予美亡此誰與獨旦  
夏之日冬之夜百歲之後歸于其居  
冬之夜夏之日百歲之後歸于其室

葛生五章章四句

采芩采芩首陽之巔人之為言苟亦無信舍旃舍  
旃苟亦無然人之為言胡得焉

采苦采苦首陽之下人之為言苟亦無與舍旃舍

旃苟亦無然人之為言胡得焉

苦音沽

采葑采葑首陽之東人之為言苟亦無從舍旃舍  
旃苟亦無然人之為言胡得焉

采芩三章章八句

秦一之十一

有車鄰鄰有馬白顛未見君子寺人之令

阪有漆隰有栗既見君子並坐鼓瑟今者不樂逝  
者其耄

阪有桑隰有揚既見君子並坐鼓簧今者不樂逝



者其亡

車鄰二章一章四句二章章六句

駟驥孔阜六轡在手公之媚子從公于狩  
奉時辰牡辰牡孔碩公曰左之舍拔則獲  
遊于北園四馬既閑輪車鸞鑣載猷歇驕

駟驥二章章四句

小戎伐收五檠梁輈游環齊驅陰勒盜續文茵暢  
載駕我騏驎言念君子溫其如压在其板屋亂  
我心曲

輈陟留反

驎音註

四牡孔阜六轡在手騏驎是中駟驪是驂龍盾之

合盜以艮輈信念君子溫其在邑方何為期胡  
然我念之

輈古穴反輈音紉

伐駟孔羣九疋盜錡蒙伐有苑虎韞鏐麇交韞二  
弓竹閉緹滕言念君子載寢載興厭厭良人秩  
秩德音

九音求

小戎二章章十句

蒹葭蒼蒼白露為霜所謂伊人在水一方溯洄從  
之道阻且長溯游從之宛在水中央  
蒹葭萋萋白露未晞所謂伊人在水之湄溯洄從  
之道阻且躋溯游從之宛在水中坻

坻陳知反



蒹葭采采白露未已所謂伊人在水之涘溯洄從之道阻且右溯游從之宛在水中沚

蒹葭三章章八句

終南何有有條有梅君子至止錦衣狐裘顏如渥丹其君也哉

終南何有有紀有堂君子至止黻衣繡裳佩玉將

將壽考不忘

將七羊反

終南二章章六句

交交黃鳥止于棘誰從穆公子車奄息維此奄息百夫之特臨其穴惴惴其慄彼蒼者天殲我良

人如可贖兮人百其身

交交黃鳥止于桑誰從穆公子車仲行維此仲行百夫之防臨其穴惴惴其慄彼蒼者天殲我良

人如可贖兮人百其身

交交黃鳥止于楚誰從穆公子車鍼虎維此鍼虎百夫之禦臨其穴惴惴其慄彼蒼者天殲我良

人如可贖兮人百其身

鍼其廉反

黃鳥三章章十二句

鴛彼晨風鬱彼北林未見君子憂心欽欽如何如

何忘我實多

鴛伊吉反



山有苞棗隰有六駮未見君子憂心靡樂如何如何  
何忘我實多

山有苞棗隰有樹椹未見君子憂心如醉如何如何  
何忘我實多

晨風二章章六句

豈曰無衣與子同袍王于興師修我戈矛與子同

仇

豈曰無衣與子同澤王于興師修我戈戟與子偕

作

豈曰無衣與子同裳王于興師修我甲兵與子偕

行

無衣三章章五句

我送舅氏曰至渭陽何以贈之路車乘黃

我送舅氏悠悠我思何以贈之瓊瑰玉佩

渭陽二章章四句

於我乎夏屋渠渠今也每食無餘于嗟乎不承權

興

承繼也

於我乎每食四簋今也每食不飽于嗟乎不承權

興

權輿二章章五句



陳一之十二

子之湯兮宛丘之上兮洵有情兮而無望兮

湯音葛

坎其擊鼓宛丘之下無冬無夏值其鷺羽

翻音尊

坎其擊缶宛丘之道無冬無夏值其鷺翮

宛丘三章章四句

東門之枌宛丘之栩子仲之子婆娑其下

栩况甫反

穀且于差南方之原不績其麻市也婆娑

穀且于逝越以鬻邁視爾如收貽我握椒

收祁鏡反

東門之枌三章章四句

衡門之下可以棲遲泌之洋洋可以樂飢

豈其食魚必河之魴豈其取妻必齊之姜

豈其食魚必河之鯉豈其取妻必宋之子

衡門三章章四句

東門之池可以漚麻彼美淑姬可與晤歌

晤猶解也

東門之池可以漚紵彼美淑姬可與晤語

東門之池可以漚菅彼美淑姬可與晤言

東門之池三章章四句

東門之楊其葉泝泝以為期明星煌煌

東門之楊其葉肺肺以為期明星哲哲

東門之楊三章章四句



墓門有棘斧以斯之夫也不良國人知之知而不  
已誰昔然矣

墓門有梅有鴉萃止夫也不良歌以訊之訊予不  
顧顛倒思

墓門二章章六句

防有鵲巢邛有青莠誰侑予美心焉怵怵  
中唐有甍邛有青鵲誰侑予美心焉惕惕

防有鵲巢二章章四句

月出皎兮佼人僚兮舒窈窕兮勞心悄悄兮  
月出皓兮佼人憇兮舒憂受兮勞心慄慄兮

皎吉了反

月出照兮佼人燎兮舒天紹兮勞心慘兮

慘字讀為音燥  
一本作燥

月出三章章四句

胡為乎株林從夏南匪適株林從夏南  
駕我乘馬說于株野乘我乘駒朝食于株

株林一章章四句

彼澤之陂有蒲與荷有美一人傷如之何寤寐無  
為涕泗滂沱

彼澤之陂有蒲與藺有美一人碩大且卷寤寐無

為中心悄悄

藺古藺反  
藺戶感反藺大感反

彼澤之陂有蒲藺蒼有美一人碩大且儼寤寐無



言經山文  
為輾轉伏枕

澤陂三章章六句

檜一之十三

羔裘逍遥狐裘以朝豈不爾思勞心忉忉  
羔裘翱翔狐裘在堂豈不爾思我心憂傷  
羔裘如膏日出有曜豈不爾思中心是悼

羔裘三章章四句

庶見素冠兮棘人欒欒兮勞心博博兮

博徒官反

庶見素衣兮我心傷悲兮聊與子同歸兮

庶見素韞兮我心蘊結兮聊與子如一兮

素冠三章章二句

隰有萋楚猗儺其枝天之沃沃樂子之無知

猗儺可反

隰有萋楚猗儺其華天之沃沃樂子之無家

隰有萋楚猗儺其實天之沃沃樂子之無室

隰有萋楚三章章四句

匪風發兮匪車偈兮顧瞻周道中心怛兮

匪風飄兮匪車嘌兮顧瞻周道中心弔兮

誰能亨魚漑之金罍誰將西歸懷之好音

罍音尋

匪風三章章四句

曹一之十四

詩經卷之



言絲  
蜉蝣之羽衣裳楚楚心之憂矣於我歸處  
蜉蝣之翼采采衣服心之憂矣於我歸息  
蜉蝣掘閱麻衣如雪心之憂矣於我歸說

蜉蝣三章章四句

彼候人兮何戈與殺彼其之子三百赤芾

維鷄在梁不濡其翼彼其之子不稱其服

維鷄在梁不濡其味彼其之子不遂其媾

蒼芻兮蔚兮南山朝濟婉兮孌兮季女斯飢

候人四章章四句

鳴鳩在桑其子在梅淑人君子其儀一兮其儀

兮心如結兮

鳴鳩在桑其子在梅淑人君子其帶伊絲其帶伊

絲其弁伊緌

鳴鳩在桑其子在棘淑人君子其儀不忒其儀不

忒正是四國

鳴鳩在桑其子在榛淑人君子正是國人正是國

人胡不萬年

鳴鳩四章章六句

冽彼下泉浸彼苞稂愾我寤嘆念彼周京  
冽彼下泉浸彼苞蕭愾我寤嘆念彼京周

詩經

上

卷十一



列彼下泉浸彼苞菁  
我寤嘆念彼京師  
芄芄黍苗陰雨膏之  
四國有王郭伯勞之

凡音蓬

下泉四章章四句

豳一之十五

七月流火九月授衣  
一之日觴發二之日栗烈無  
衣無褐何以卒歲  
三之日于耜四之日舉趾同  
我婦子饁彼南畝  
田峻至喜

後喜讀為饁

七月流火九月授衣  
春日載陽有鳴倉庚  
女執懿筐遵彼微行  
爰求柔桑春日遲遲  
采芣苢祁祁女心傷悲  
殆及公子同歸

七月陳王業也周公遭變故陳后稷先公風化之所由致王業之艱難也

七月流火八月萑葦  
蠶月條桑取彼斧斨以伐遠  
揚猗彼女桑七月鳴鵙  
八月載績載玄載黃我  
朱孔陽為公子裳

四月秀葽五月鳴蜩  
八月其穫十月隕穽一之日  
于貉取彼狐狸為公子裘  
二之日其同載績武  
功言私其豸獻豸于公

同狩也 豸音豸

五月斯螽動股六月莎雞振羽  
七月在野八月在宇  
九月在戶十月蟋蟀入我牀下  
穹窒熏鼠塞向墜戶  
嗟我婦子曰為改歲  
入此室處

六月食鬱及薁七月亨葵及藿  
八月剥棗十月穫



言  
稻為此春酒以介眉壽七月食瓜八月斷壺九  
月叔直采茶薪稊食我農夫

九月築場圃十月納禾稼黍稷重穰禾麻菽麥嗟  
我農夫我稼既同上入執宮功晝爾于茅宮爾  
索綯亟其乘屋其始播百穀

二之日鑿冰冲冲三之日納于凌陰四之日其蚤  
獻羔祭韭九月肅霜十月滌場朋酒斯饗日殺  
羔羊躋彼公堂稱彼兕觥萬壽無疆

七月八章章十一句

鳴鵙鳴鵙既取我子無毀我室恩斯勤斯嚶嚶子之

閔斯

迨天之未陰雨徹彼桑土綢繆牖戶今女下民或

敢侮予

予手拮据予所將茶予所蕃租予口卒瘁曰予朱

有室家

予羽譙譙予尾條條予室翹翹風雨所漂搖予維

音曉曉

堯音鵙  
脩音蕭

鳴鵙四章章五句

我徂東山惛惛不歸我來自東零雨其濛我東曰  
歸我心西悲制彼裳衣勿士行枚蜩螗者蠅烝

鳴鵙  
反



在桑野敦彼獨宿亦在車下

教都回反

我徂東山惓惓不歸我來自東零雨其濛果臝之

實亦施于宇伊威在室蠨蛸在戶町疇鹿場熠

燿宵行亦可畏也伊可懷也

疇土後反

我徂東山惓惓不歸我來自東零雨其濛鸛鳴于

垤婦嘆于室洒掃穹窒我征聿至有敦瓜苦烝

在栗薪自我不見于今三年

我徂東山惓惓不歸我來自東零雨其濛倉庚于

飛熠燿其羽之子于歸皇駸其馬親結其縢九

十其儀其新孔嘉其舊如之何

東山四章章十二句

既破我斧又缺我斨周公東征四國是皇哀我人

斯亦孔之將

既破我斧又缺我錡周公東征四國是吡哀我人

斯亦孔之嘉

吡化也

既破我斧又缺我鉞周公東征四國是邁哀我人

斯亦孔之休

邁治也

破斧三章章六句

伐柯如何匪斧不克取妻如何匪媒不得

伐柯伐柯其則不遠我覲之子籩豆有踐



伐柯二章章四句

九戩之魚鱗，鮒我觀之子。袞衣繡裳，

戩音城

鴻飛遵渚，公歸無所於女。信處

鴻飛遵陸，公歸不復於女。信宿

是以有袞衣兮，無以我公歸兮。無使我心悲兮

九戩四章一章四句二章章三句

狼跋其胡，載疐其尾。公孫碩膚，赤舄几几

凡几里反

狼疐其尾，載跋其胡。公孫碩膚，德音不瑕

狼跋二章章四句

小雅二

鹿鳴之什二之一

吻音幽

籥古候反

吻吻鹿鳴，食野之苹。我有嘉賓，鼓瑟吹笙。鼓

簧承筐，是將人之好我。示我周行

承捧也

吻吻鹿鳴，食野之蒿。我有嘉賓，德音孔昭。視民不

吻吻君子，是則是效。我有旨酒，嘉賓式燕以敖

吻吻鹿鳴，食野之芩。我有嘉賓，鼓瑟鼓琴。鼓瑟鼓

鹿鳴三章章八句

倭於危反

四牡騤騤，周道倭遲。豈不懷歸，王事靡盬。我心傷



悲

四牡騤騤，嘽嘽駘駘。馬豈不懷，歸王事靡盬，不遑啓

處

嘽他丹反

翩翾者，騤載飛載下，集于苞栩。王事靡盬，不遑將

父

栩况甫反 將養也

翩翩者，騤載飛載止，集于苞杞。王事靡盬，不遑將

母

駕彼四駘，載駘駘駘。豈不懷歸，是用作歌，將母來

諗

將養也 諗也 發音侵

四牡五章章五句

皇皇者華，于彼原隰。駘駘征夫，每懷靡及。

我馬維駒，六轡如濡。載馳載驅，周爰咨諏。

我馬維騏，六轡如絲。載馳載驅，周爰咨謀。

我馬維駘，六轡沃若。載馳載驅，周爰咨度。

我馬維駒，六轡既均。載馳載驅，周爰咨詢。

皇皇者華，五章章四句

常棣之華，鄂不韡韡。凡今之人，莫如兄弟。

死喪之威，兄弟孔懷。原隰裒矣，兄弟求矣。

春令在原，兄弟急難。每有良朋，况也求歎。

兄弟鬩于牆，外禦其務。每有良朋，烝也無戎。

詩經王風

下

二

語辭 也

韡韡 鬼反 威也

爰云承華者曰鄂不當 作拍拍鄂足也

詢猶 度也

駘所 巾反



喪亂既平既安且寧雖有兄弟不如友生  
饋爾籩豆飲酒之飫兄弟既具和樂且孺  
妻子好合如鼓瑟琴兄弟既翕和樂且湛  
宜爾室家樂爾妻帑是究是圖亶其然乎

饋陳也 具俱也 孺慕也

丁竹耕反

常棣八章章四句

嚶於 耕反

遷升也

伐木丁丁鳥鳴嚶嚶出自幽谷遷于喬木嚶其鳴  
矣求其友聲相彼鳥矣猶求友聲矧伊人矣不  
求友生神之聽之終和且平  
伐木許許醴酒有藇既有肥羜以速諸父寧適不  
來微我弗顧於粢酒掃陳饋八簋既有肥牡以

許音呼古反 藇象呂反

速諸舅寧適不來微我有咎

衍多也

伐木于阪醴酒有衍籩豆有踐兄弟無遠民之失  
德乾餱以愆有酒湑我無酒酤我坎坎鼓我蹲  
蹲舞我迨我暇矣飲此湑矣

蹲七旬反

伐木三章章十二句

天保定爾亦孔之固俾爾單厚何福不除俾爾多  
益以莫不庶

固堅也 單盡也 除除舊而生新也

天保定爾俾爾戩穀罄無不宜受天百祿降爾遐

福維日不足

戩罄俱盡也 興盛也

天保定爾以莫不興如山如阜如岡如陵如川之



方至以莫不增

吉蠲為饋是用孝享禴祠烝嘗于公先王君曰卜

爾萬壽無疆

饋尺志心反  
卜期也

神之甲矣詒爾多福民之質矣日用飲食羣黎百

姓徧為爾德

予至也  
質實也

如月之恒如日之升如南山之壽不騫不崩如松

柏之茂無不爾或承

升出也  
承繼也

天保六章章六句

采薇采薇薇亦作止曰歸曰歸歲亦莫止靡室靡

家玁狁之故不遑啓居玁狁之故

采薇薇亦柔止曰歸曰歸心亦憂止憂心烈

烈載飢載渴我戍未定靡使歸聘

聘問也  
定止也

采薇薇亦剛止曰歸曰歸歲亦陽止王事靡

盬不遑啓處憂心孔疚我行不來

嚴駭也

彼爾維何維常之華彼路斯何君子之車戎車既

駕四牡業業豈敢定居一月三捷

爾乃礼反  
依猶  
定也  
捷也

駕彼四牡四牡騤騤君子所依小人所腓四牡翼

翼象弭魚服豈不日戒玁狁孔棘

腓猶危也  
棘急也

昔我往矣楊柳依依今我來思雨雪霏霏行道遲

遲載渴載飢我心傷悲莫知我哀

來如字



采薇六章章八句

我出我車于彼牧矣自天子所謂我來矣召彼僕夫謂之載矣王事多難維其棘矣

我出我車于彼郊矣設此旒矣建彼旄矣彼旌旒斯胡不旆旆憂心悄悄僕夫况瘁

斯語助

王命南仲往城于方出車彭彭旂旒央央天子命我城彼朔方赫赫南仲玁狁于襄

央於良反

昔我往矣黍稷方華今我來思雨雪載塗王事多難不遑啓居豈不懷歸畏此簡書

華盛也

嘒嘒草蟲趨趨阜螽未見君子憂心忡忡既見君子我心則降赫赫南仲薄伐西戎

春日遲遲卉木萋萋倉庚喈喈采芣祁祁執訊獲醜薄言還歸赫赫南仲玁狁于夷

出車六章章八句

有杕之杜有皖其實王事靡盬繼嗣我日日月陽止女心傷止征夫遑止

有杕之杜其葉萋萋王事靡盬我心傷悲卉木萋止女心悲止征夫歸止

陟彼北山言采其杞王事靡盬憂我父母檀車蟬蟬四牡瘡瘡征夫不遠

蟬尺善反瘡古緩反



匪載匪來憂心孔疚期逝不至而多為恤卜筮僭  
止會言近止征夫邇止

杕杜四章章七句

南陔

白華之什二之二

白華

華黍

魚麗于罍鱔音少君子有酒旨且多

魚麗于罍魴鯉君子有酒多且旨

魚麗于罍鯉君子有酒旨且有

物其多矣維其嘉矣

物其旨矣維其偕矣

物其有矣維其時矣

魚麗六章三章章四句三章章二句

由庚

南有嘉魚烝然罩罩君子有酒嘉賓式燕以樂

南有嘉魚烝然汕汕君子有酒嘉賓式燕以行

南有樛木甘瓠纍之君子有酒嘉賓式燕綏之

翩翩者騅烝然來思君子有酒嘉賓式燕又思

南有嘉魚四章章四句

罩張  
教反  
汕所  
諫反



崇丘

南山有臺北山有萊樂只君子邦家之基樂只君子萬壽無期

南山有桑北山有楊樂只君子邦家之光樂只君子萬壽無疆

南山有杞北山有李樂只君子民之父母樂只君子德音不已

南山有栲北山有杻樂只君子遐不作壽樂只君子德音是茂

子保艾爾後

被音庚

南山有臺五章章六句

由儀

蓼彼蕭斯零露漙漙今既見君子我心寫兮燕笑語兮是以有譽處兮

蓼彼蕭斯零露瀼瀼既見君子為龍為光其德不爽壽考不忘

龍龍也

蓼彼蕭斯零露泥泥既見君子孔燕豈弟宜况宜第令德壽豈

簞徒雅反

蓼彼蕭斯零露濃濃既見君子儻革沖沖和鸞鳴



離萬福攸同

蓼蕭四章章六句

湛湛露斯匪陽不晞厭厭夜飲不醉無歸

厭於

湛湛露斯在彼豐草厭厭夜飲在宗載考

湛湛露斯在彼杞棘顯允君子莫不令德

其桐其椅其實離離豈弟君子莫不令儀

湛露四章章四句

彤弓之什二之三

彤弓昭兮受言藏之我有嘉賓中心貺之鐘鼓既

設一朝饗之

昭尺昭反

彤弓昭兮受言載之我有嘉賓中心喜之鐘鼓既

設一朝右之

載抗之也

彤弓昭兮受言橐之我有嘉賓中心好之鐘鼓既

設一朝醕之

菁菁三章章六句

菁菁者我在彼中阿既見君子樂且有儀

菁菁者我在彼中沚既見君子我心則喜

菁菁者我在彼中陵既見君子錫我百朋

汎汎揚舟載沉載浮既見君子我心則休

汎若  
劍反

菁菁者我四章章四句

小雅彤弓



六月棲棲戎車既飭四牡騤騤載是常服玁狁孔熾我是用急王于出征以匡王國

比物四驪閑之維則維此六月既成我服我服既成于三十里王于出征以佐天子

四牡修廣其大有顛薄伐玁狁以奏膚公有嚴有翼共武之服共武之服以定王國

玁狁匪茹整居焦獲侵鎬及坊至于涇陽織文鳥章白旆央央元戎十乘以先啓行

戎車既安如輕如軒四牡既佶既佶且閑薄伐玁狁至于太原文武吉甫萬邦為憲

吉甫燕喜既多受祉來歸自鎬我行未久飲御諸友魚鼈膾鯉侯誰在矣張仲孝友

六月六章章八句

薄言采芑于彼新田于此菑畝方叔涖止其車三千師干之試方叔率止乘其四騏四騏翼翼路

車有奭籟第魚服鉤膺脩革

薄言采芑于彼新田于此中鄉方叔涖止其車三千旂旒央央方叔率止約軘錯衡八鸞瑤瑤服

其命服朱芾斯皇有瑋葱珩

駉彼飛隼其飛戾天亦集爰止方叔涖止其車三

詩經卷之六

徂音志  
天於良反  
佶音吉

芑音起  
奭許力反

軘祈支反  
駉惟必反



千師干之試方叔率止鉦人伐鼓陳師鞠旅顯

鞭告也  
闐走頭反

允方叔伐鼓淵淵振旅闐闐

春蠹爾蠻荆大邦為讎方叔元老克壯其猶方叔率

止執訊獲醜戎車嘽嘽嘽嘽焯焯如霆如雷顯

嘽吐丹反  
焯土雷反

允方叔征伐獫狁蠻荆來威

采芑四章章十二句

鹿鹿同反

我車既攻我馬既同四牡龐龐駕言徂東

田車既好四牡孔阜東有甫草駕言行狩

之子于苗選徒貴囂建旒設旄搏獸于敖

駕彼四牡四牡奕奕赤芾金鳥會同有繹

決拾既飲弓矢既調射夫既同助我舉柴

欣比也  
柴子智反  
說文作柴

四黃既駕兩駟不猗不失其馳舍矢如破

蕭蕭馬鳴悠悠旆旌徒御不驚大庖不盈

之子于征有聞無聲允矣君子展也大成

車攻八章章四句

吉日維戊既伯既禱田車既好四牡孔阜升彼大

阜從其羣醜

吉日庚午既差我馬獸之所同麀鹿麇麇漆沮之

從天子之所

瞻彼中原其祁孔有儻儻俟俟或羣或友悉率左

儻表驂反  
俟詳子反

右以燕天子

儻表驂反  
俟詳子反

詩經正文



既張我弓既拔我矢發彼小豨殪此大兕以御賓客且以酌醴

吉日四章章六句

鴻鴈于飛肅肅其羽之子于征劬勞于野爰及矜人哀此鰥寡

鴻鴈于飛集于中澤之子于垣百堵皆作雖則劬勞其究安宅

鴻鴈于飛哀鳴嗷嗷維此哲人謂我劬勞維彼愚人謂我宣驕

鴻鴈三章章六句

夜如何其夜未央庭燎之光君子至止鸞聲將將

夜如何其夜未央庭燎晰晰君子至止鸞聲嘒嘒夜如何其夜鄉晨庭燎有輝君子至止言觀其旒

庭燎三章章五句

沔彼流水朝宗于海駢彼飛隼載飛載止嗟我兄弟邦人諸友莫肯念亂誰無父母

沔彼流水其流湯湯駢彼飛隼載飛載揚念彼不蹟載起載行心之憂矣不可弭忘

駢彼飛隼率彼中陵民之訛言寧莫之懲我友敬矣讒言其興

沔水三章二章章八句一章六句

世聯之  
反

將七  
羊反

將七  
羊反

湯書羊反



鶴鳴于九臯聲聞于野魚潛在淵或在于渚樂彼之園爰有樹檀其下維樛他山之石可以為錯鶴鳴于九臯聲聞于天魚在于渚或潛在淵樂彼之園爰有樹檀其下維穀他山之石可以攻玉

鶴鳴二章章九句

祈父之什二之四

祈父予王之爪牙胡轉予于恤靡所止居祈父予王之爪士胡轉予于恤靡所底止祈父亶不聰胡轉予于恤有母之尸饗

祈父三章章四句

皎皎白駒食我場苗絜之維之以求今朝所謂伊人於焉逍遙

皎皎白駒食我場藿絜之維之以求今夕所謂伊人於焉嘉客

皎皎白駒賁然來思爾公爾侯逸豫無期慎爾優游勉爾遁思

賁彼義反

皎皎白駒在彼空谷生芻一束其人如玉母金玉爾音而有遐心

白駒四章章六句

黃鳥黃鳥無集于穀無啄我粟此邦之人不我肯



穀言旋言歸復我邦族

黃鳥黃鳥無集于桑無啄我梁此邦之人不可與  
明言旋言歸復我諸兄

黃鳥黃鳥無集于栩無啄我黍此邦之人不可與  
處言旋言歸復我諸父

栩况甫反

黃鳥三章章七句

我行其野蔽芾其樛昏姻之故言就爾居爾不我  
畜復我邦家

蒂音味反

我行其野言采其葍遂昏姻之故言就爾宿爾不我

畜言歸思復

遂敷六反 思語助辭

我行其野言采其葍不思舊姻求我新特誠不以

富亦祗以異

我一作爾 葍音麻 誠一作成

我行其野三章章六句

秩秩斯干幽幽南山如竹苞矣如松茂矣况及第  
矣式相好矣無相猶矣

似續妣祖築室百堵西南其戶爰居爰處爰笑爰語  
約之閣閣椽之橐橐風雨攸除鳥鼠攸去君子攸芋

如鼓斯翼如矢斯棘如鳥斯革如翬斯飛君子攸躋  
殖殖其庭有覺其楹噲噲其正歲歲其冥君子攸寧

下莞上簟乃安斯寢乃寢乃興乃占我夢吉夢維何

也似嗣

羽軍兵歸切

莞音官



維熊維罴維虺維蛇

虺許鬼反

大人占之維熊維罴男子之祥維虺維蛇女子之

祥

乃生男子載寢之牀載衣之裳載弄之璋其泣嗶

皇朱芾斯皇室家君王

乃生女子載寢之地載衣之裼載弄之瓦無非無

儀唯酒食是議無父母詒惟

斯于九章四章章七句五章章五句

誰謂爾無羊三百維羣誰謂爾無牛九十其牯爾

羊來思其角濊濊爾牛來思其耳濕濕

得而純反

或降于阿或飲于池或寢或訛爾牧來思何蓑何

笠或負其餼三十維物爾牲則具

爾牧來思以薪以蒸以雝以雝爾羊來思矜矜兢

兢不騫不崩麾之以肱畢來既升

牧人乃夢衆維魚矣旒維旗矣大人占之衆維魚

矣實維豐年旒維旗矣室家溱溱

無羊四章章八句

節彼南山維石巖巖赫赫師尹民具爾瞻憂心如

惓不敢戲談國旣卒斬何用不監

節彼南山有實其猗赫赫師尹不平謂何天方薦



塵喪亂弘多民言無嘉懣莫懲嗟

尹氏大師維周之氏秉國之均四方是維天子是

毗俾民不迷不弔昊天不宜空我師

弗躬弗親庶民弗信弗問弗仕勿罔君子式夷式

已無小人殆瑣瑣姻亞則無廡仕

昊天不備降此鞠訥昊天不惠降此大戾君子如

屆俾民心闕君子如夷惡怒是遠

不弔昊天亂靡有定式月斯生俾民不寧憂心如

醒誰秉國成不自為政卒勞百姓

駕彼四牡四牡項領我瞻四方威威靡所騁

方茂爾惡相爾矛矣既夷既憚如相疇矣

昊天不平我王不寧不懲其心覆怨其正

家父作誦以究王訟式訛爾心以畜萬邦

節南山十章六章章八句四章章四句

正月繁霜我心憂傷民之訛言亦孔之將念我獨

兮憂心京京哀我小心癩憂以瘵

父母生我胡俾我瘵不自我先不自我後好言自

口莠言自口憂心愈愈是以有侮

憂心惇惇念我無祿民之無辜并其臣僕哀我人

斯于何從祿瞻烏爰止于誰之屋



瞻彼中林侯薪侯蒸民今方殆視天夢夢既克有  
定靡人弗勝有皇上帝伊誰云憎

謂山蓋卑為岡為陵民之訛言寧莫之懲召彼故

老訊之占夢具曰予聖誰知烏之雌雄

謂天蓋高不敢不局謂地蓋厚不敢不踏維號斯

言有倫有脊哀今之人胡為虺蜴

虺蜴鬼反

瞻彼阪田有苑其特天之抗我如不我克彼求我

則如不我得執我仇仇亦不我力

心之憂矣如或結之今茲之正胡為厲矣燎之方

揚寧或滅之赫赫宗周褒姒滅之 正政司

終其求懷又窘陰雨其車既載乃棄爾輔載輸

載將伯助予

無棄爾輔員于爾輻屨顧爾僕不輸爾載終踰絕

險曾是不意

魚在于沼亦匪克樂潛雖伏矣亦孔之昭憂心慘

慘念國之為虐

彼有旨酒又有嘉殽洽此其鄰昏姻孔云念我獨

兮憂心慙慙

咈咈彼有屋蔌蔌方有穀民今之無祿天矢是掇

哿矣富人哀此惇獨

蔌音速



正月十三章八章章八句五章章六句

十月之交朔日辛卯日有食之亦孔之醜彼月而

微此日而微今此下民亦孔之哀

日月告凶不用其行四國無政不用其良彼月而

食則維其常此日而食于何不臧

燂燂震電不寧不令百川沸騰山冢崒崩高岸為

谷深谷為陵哀今之人胡憯莫懲舉祖血反 憯曾也

皇父卿士番維司徒家伯冢宰仲允膳夫聚子內

史蹶維趣馬楛維師氏豔妻煽方處趣七走反 楛音矩

抑此皇父豈曰不時胡為我作不即我謀徹我牆

向式 反

皇父孔聖作都于向擇三有事亶侯多藏不懲遺

一老俾守我王擇有車馬以居祖向

黽勉從事不敢告勞無罪無辜讒口貴顯下民之

孽匪隆自天噂沓背憎職競由人

悠悠我里亦孔之痍四方有羨我獨居憂民莫不

逸我獨不敢休天命不徹我不敢傲我友自逸

十月之交八章章八句

浩浩昊天不駿其德降喪饑饉斬伐四國旻夫疾

威弗慮弗圖舍彼有罪既伏其辜若此無罪淪



胥以鋪

周宗既滅靡所止戾正大夫離居莫知我勸二事  
大夫莫肯夙夜邦君諸侯莫肯朝夕庶曰式滅  
覆出為惡

如何昊天辟言不信如彼行邁則靡所臻凡百君

子各敬爾身胡不相畏不畏于天

戎成不退飢成不遂曾我誓御憺憺日瘁凡百君

子莫肯用訊聽言則答訛言則退

替思列反

哀哉不能言匪舌是出維躬是瘁哿矣能言巧言

如流俾躬處休

維曰予仕孔棘且殆云不可使得罪于天子亦云

可使怨及朋友

謂爾遷于王都曰予未有室家鼠思泣血無言不

疾昔爾出居誰從作爾室

甫無正七章二章章十句二章章八句三

章章六句

小旻之什二之五

旻夫疾威敷于下土謀猶回遘何日斯沮謀臧不

從不臧覆用我視謀猶亦孔之邛

滄滄訛訛亦孔之哀謀之其臧則具是違謀之不

小雅小旻

詩經卷之二十一

詩經卷之二十一



臧則具是依我視謀猶伊于胡底

我龜既厭不我告猶謀夫孔多是用不集發言盈

庭誰敢執其咎如匪行邁謀是用不得干道

哀哉為猶匪先民是程匪大猶是經維邇言是聽

維邇言是爭如彼築室于道謀是用不潰于成

國雖靡止或聖或否民雖靡盬或哲或謀或庸或

艾如彼流泉無淪胥以敗

不敢暴虎不敢馮河人知其一一莫知其他戰戰兢兢

兢如臨深淵如履薄冰

小旻六章三章章八句三章章七句

宛彼鳴鳩翰飛戾天我心憂傷念昔先人明發不

寐有懷二人

人之齊聖飲酒溫克彼昏不知壹醉日富各敬爾

儀天命不反

中原有菽庶民采之螟蛉有子蜾蠃負之教誨爾

子式穀似之

題彼蒼龍載飛載鳴我日斯邁而月斯征夙興夜

寐無忝爾所生

交交桑扈率場啄粟哀我填寡宜岸宜獄握粟出

卜自何能穀



温温恭人如集于木惴惴小心如臨于谷戰戰兢兢如履薄冰

端之端反

小宛六章章六句

弁彼鸛斯歸飛提提民莫不穀我獨于罹何辜于天我罪伊何心之憂矣云如之何

弁薄干反提是移反鸛音豫

踽踽周道鞠為茂草我心憂傷惻焉如擣假寐永嘆維憂用老心之憂矣疢如疾首

踽徒歷反

維桑與梓必恭敬止靡瞻匪父靡依匪母不屬於毛不離于裏天之生我我辰安在

淮音上聲

死彼柳斯鳴蜩嘒嘒有潛者淵萑葦淠淠譬彼流不知所屆心之憂矣不遑假寐

淮音九淠字計反

鹿斯之奔維足伎伎雉之朝唯尚求其雌譬彼壞木疾用無枝心之憂矣寧莫之知

伎其宜反

相彼投兔尚或先之行有死人尚或瑾之君子秉心維其忍之心之憂矣涕既隕之

君子信讒如或醜之君子不惠不舒究之伐木掄矣析薪地矣舍彼有罪予之佗矣

莫高匪山莫浚匪泉君子無易由言耳屬于垣無逝我梁無發我笱我躬不閱遑恤我後

小弁八章章八句



悠悠昊天曰父母且無罪無辜亂如此無昊天已  
威予慎無罪昊天泰無予慎無辜

亂之初生僭始既涵亂之又生君子信讒君子如  
怒亂庶遄沮君子如祉亂庶遄已

君子屢盟亂是用長君子信盜亂是用暴盜言孔  
甘亂是用餓匪其止共維王之邦

奕奕寢廟君子作之秩秩大猷聖人莫之他人有  
心予忖度之躍躍龜兔遇犬獲之

荏染柔木君子樹之往來行言心焉數之蛇蛇碩  
言出自口矣巧言如簧顏之厚矣

彼何人斯居河之麋無拳無勇職為亂階既微且  
尪爾勇伊何為猶將多爾居住幾何

巧言六章章八句  
彼何人斯其心孔艱胡逝我梁不入我門伊誰云  
從維暴之云

二人從行誰為此禍胡逝我梁不入唁我始者不  
如今云不我可

彼何人斯胡逝我陳我聞其聲不見其身不愧于  
人不畏于天

彼何人斯其為飄風胡不自北胡不自南胡逝我



梁祗攪我心

爾之安行亦不違舍爾之亟行違脂爾車壹者之

來云何其肝爾還而入我心易也還而不入否難知也壹者之

伯氏吹壎仲氏吹篪及爾如貫諒不我知出此三

物以詛爾斯為鬼為蜮則不可得有覩面自視入罔極作此好

何人斯八章章六句

萋兮斐兮成是貝錦彼譖人者亦已大甚

哆兮侈兮成是南箕彼譖人者誰適與謀

緝緝翩翩謀欲譖人慎爾言也謂爾不信

捷捷幡幡謀欲譖言豈不爾受既其女遷

驕人好好勞人草草蒼天蒼天視彼驕人矜此勞

人彼譖人者誰適與謀取彼譖人投畀豺虎豺虎不

食投畀有北有北不受投畀有昊

楊園之道猗于畝丘寺人孟子作為此詩凡百君

子敬而聽之

詩經卷之六

卷之六

卷之六



巷伯七章四章章四句一章五句一章八句一章六句

習習谷風維風及雨將恐將懼維予與女將安將

樂女轉棄予

習習谷風維風及頽將恐將懼寘予于懷將安將

樂棄予如遺

習習谷風維山崔嵬無草不死無木不萎忘我大

德思我小怨

谷風三章章六句

蓼蓼者莪匪莪伊蒿哀哀父母生我劬勞

蓼蓼者莪匪莪伊蒿哀哀父母生我劬勞

餅之罄矣維壘之恥鮮民之生不如死之久矣無

父何怙無母何恃出則銜恤入則靡至

父兮生我母兮鞠我拊我畜我長我育我顧我復

我出入腹我欲報之德昊天罔極

南山烈烈飄風發發民莫不穀我獨何害

南山律律飄風弗弗民莫不穀我獨不卒

蓼莪六章四章章四句二章章八句

有諫蓋殲有捄棘七周道如砥其直如矢君子所

履小人所視瞻言顧之潛焉出涕

餘音蒙  
殲音孫



小東大東杼柚其空糾糾葛屨可以履霜佻佻公

子行彼周行既往既來使我心疚

行直五之袖音逐  
佻徒凋反

有列沈泉無浸獲薪契契寤歎哀我憚人薪是獲

薪尚可載也哀我憚人亦可息也

沈音癸 契苦結反  
憚丁佐反

東人之子職勞不來西人之子粲粲衣服舟人之

子熊羆是裘私人之子百僚是試

來慰撫也

或以其酒不以其漿鞞鞞佩璫不以其長維天有

漢監亦有光跋彼織女終日七襄

鞞胡大反  
跋丘鼓反

雖則七襄不成報章皖彼牽牛不以服箱凍有啓

明西有長庚有捄天畢載施之行

類彼  
我反

維南有箕不可以簸揚維北有斗不可以挹酒漿

維南有箕載翕其舌維北有斗西柄之揭

大東七章章八句

四月維夏六月徂暑先祖匪人胡寧忍予

秋日凄凄百卉具腓亂離瘼矣爰其適歸

爰作美

冬日烈烈飄風發發民莫不穀我獨何害

山有嘉卉侯栗侯梅廢為殘賊莫知其尤

相彼泉水載清載濁我日構禍曷云能穀

滔滔江漢南國之紀盡瘁以仕寧莫我有

匪鶉匪鳧翰飛戾天匪鱸匪鱉潛逃于淵

鶉徒官反  
鵬也



言終止  
山有薜薇陽有杞栲君子作歌維以告哀

四月八章章四句

北山之什二之六

陟彼北山言采其杞偕偕士子朝夕從事王事靡

盥憂我父母

溥夫之下莫非王土率土之濱莫非王臣大夫不

均我從事獨賢

四牡彭彭王事傍傍嘉我未老鮮我方將旅力方

剛經營四方

或燕燕居息或盡瘁事國或息偃在牀或不已于

行

或不知叫號或慘慘劬勞或栖遲偃仰或王事鞅

掌

或湛樂飲酒或慘慘畏咎或出入風議或靡事不

為

北山六章三章章六句三章章四句

無將大車祗自塵兮無思百憂祗自疢兮

無將大車維塵冥冥無思百憂不出于頰

頰古  
迫反

無將大車維塵離兮無思百憂祗自重兮

無將大車三章章四句

詩經五文

下

三十五



言部上  
明明上天照臨下土我征徂西至于北野二月初  
吉載離寒暑心之憂矣其毒大苦念彼共人涕  
零如雨豈不懷歸畏此罪罟

九音求

昔我往矣日月方除曷云其還歲事云莫念我獨  
兮我事孔庶心之憂矣憚我不眠念彼共人瞻  
瞻懷顧豈不懷歸畏此譴怒

昔我往矣日月方奧曷云其還政事愈感歲事云  
莫采蕭穫救心之憂矣自詒伊戚念彼共人興  
言出宿豈不懷歸畏此反覆

嗟爾君子無恒安處靖共爾位正直且與神之聽  
之式穀以吹

嗟爾君子無恒安息靖共爾位好是正直神之聽  
之介爾景福

小明五章三章章十二句二章章六句

鼓鐘將將淮水湯湯憂心且傷淑人君子懷允不

忘 湯書羊反

鼓鐘喈喈淮水潏潏憂心且悲淑人君子其德不

回

鼓鐘伐鼗淮有三洲憂心且妯淑人君子其德不

猶 カクコトシラ 暮音高



鼓鐘欽欽鼓瑟鼓琴笙磬同音以雅以南以籥不  
僭

鼓鐘四章章五句

楚楚者茨言抽其棘自昔何為我藝黍稷我黍與  
與我稷翼翼我倉既盈我庾維億以為酒食以  
饗以祀以妥以侑以介景福

濟濟跄跄絜爾牛羊以往烝嘗或剝或亨或肆或  
將祝祭于祊祀事孔明先祖是皇神保是饗孝  
孫有慶報以介福萬壽無疆

庶為賓為客獻酬交錯禮儀卒度笑語卒獲  
保是格報以介福萬壽攸酢

我孔熯矣式禮莫愆工祝致告徂賚孝孫苾芬  
祀神者飲食卜爾百福如幾如式既齊既稷既  
匡既救永錫爾極時萬時億

禮儀既備鐘鼓既戒孝孫徂位工祝致告神具醉  
止皇尸載起鼓鐘送尸神保聿歸諸宰君婦廢  
徹不遲諸父兄弟備言燕私

樂具入奏以綏後祿爾敬既將莫怨具慶既醉既  
飽亦大稽首神嗜飲食使君壽考孔惠孔時維



其盡之子子孫孫勿替引之

楚茨六章章十二句

信彼南山維禹甸之昉昉原隰曾孫田之我疆我

理南東其畝

上天同雲雨雪雰雰益之以霡霂既優既渥既霑

既足生我百穀

疆場翼翼黍稷彧彧曾孫之穡以為酒食畀我尸

女賓壽考萬年

中田有廬疆場有瓜是剝是蒞獻之皇祖曾孫壽

考受天之祜

祭以清酒從以騂牡享于祖考執其鸞刀以啓

毛取其血膋

是烝是享苾苾芬芬祀事孔明先祖是皇報以介

福萬壽無疆

信南山六章章六句

俶彼甫田歲取十千我取其陳食我農人自古有

年今適南畝或耘或耔黍稷薿薿攸介攸止烝

我髦士

以我齊明與我犧羊以社以方我田既臧農夫之

慶琴瑟擊鼓以御田祖以祈甘雨以介我稷黍



以穀我士女

齊音咨與梁通

曾孫來止以其婦子饁彼南畝田峻至喜攘其左  
右嘗其旨否禾易長畝終善且有曾孫不怒農  
夫克敏

曾孫之稼如茨如梁曾孫之庾如坻如京乃求千  
斯倉乃求萬斯箱黍稷稻粱農夫之慶報以介  
福萬壽無疆

甫田四章章十句

大田多稼既種既戒既備乃事以我覃耜俶載南  
畝播厥百穀既庭且碩曾孫是若

既方既皂既堅既好不稂不莠去其螟螣及其蟊

賊無害我田穉田祖有神秉畀炎火

曠音時

有滄萋萋興雨祁祁雨我公田遂及我私彼有不  
穫穉此有不斂穧彼有遺秉此有滯穗伊寡婦  
之利

滄於檢反

曾孫來止以其婦子饁彼南畝田峻至喜來方禋  
祀以其騂黑與其黍稷以享以祀以介景福

大田四章二章章八句二章章九句

瞻彼洛矣維水泱泱君子至止福祿如茨韎韜有  
奭以作六師

泱於良反

韎音昧



瞻彼洛矣維水泱泱君子至止韉琫有珌君子萬年保其家室

韉音丙 琫音一反

瞻彼洛矣維水泱泱君子至止福祿既同君子萬年保其家邦

瞻彼洛矣三章章六句

裳裳者華其葉湑兮我觀之子我心寫兮我心寫

兮是以有譽處兮

湑思召反

裳裳者華芸其黃矣我觀之子維其有章矣維其有章矣是以有慶矣

裳裳者華或黃或白我觀之子乘其四駱乘其四

駱六轡沃若

左之左之君子宜之右之右之君子有之維其有之是以似之

裳裳者華四章章六句

桑扈之什二之七

交交桑扈有鶯其羽君子樂胥受天之祜

交交桑扈有鶯其領君子樂胥萬邦之屏

之屏之翰百辟為憲不戢不難受福不那

兕觥其觶旨酒思柔彼交匪敖萬福來求

桑扈四章章四句



鴛鴦于飛畢之羅之君子萬年福祿宜之  
鴛鴦在梁戢其左翼君子萬年宜其遐福  
乘馬在廐摧之秣之君子萬年福祿艾之  
乘馬在廐秣之摧之君子萬年福祿綏之

鴛鴦四章章四句

有頍者弁實維伊何爾酒既旨爾殽既嘉豈伊異  
人兄弟匪他蔦與女蘿施于松柏未見君子憂  
心奕奕既見君子庶幾說懌頍苦委反 鴛音鳥

有頍者弁實維何期爾酒既旨爾殽既時豈伊異  
人兄弟具來蔦與女蘿施于松柏未見君子憂  
心惻惻既見君子庶幾有臧

有頍者弁實維在首爾酒既旨爾殽既阜豈伊異  
人兄弟甥舅如彼雨雪先集維霰死喪無日無  
幾相見樂酒今夕君子維宴

頍弁三章章十二句

間關車之聲兮思變季女逝兮匪飢匪渴德音來  
括雖無好友式燕且喜擊胡曼反

依彼平林有集維鷓辰彼碩女令德來教式燕且  
譽好爾無射

雖無旨酒式飲庶幾雖無嘉殽式食庶幾雖無德



與女式歌且舞

陟彼高岡析其柞薪析其柞薪其葉湑兮鮮我覯爾我心寫兮

高山仰止景行行止四牡騤騤六轡如琴覯爾新昏以慰我心

車牽五章章六句

營營青蠅止于樊豈弟君子無信讒言  
營營青蠅止于棘讒人罔極交亂四國  
營營青蠅止于榛讒人罔極構我二人

青蠅三章章四句

賓之初筵左右秩秩邊豆有楚般核維旅酒既和旨飲酒孔借鐘鼓既設舉醕逸逸大侯既抗弓矢斯張射夫既同獻爾發功發彼有的以祈爾爵  
醕市由反

箛舞笙鼓樂既和奏烝烝衍烈祖以洽百禮百禮既至有壬有林錫爾純嘏子孫其湛其湛曰樂各奏爾能賓載干仇室人入又酌彼康爵以奏爾時

又音版

賓之初筵溫溫其恭其未醉止威儀反反曰既醉止威儀幡幡舍其坐遷屢舞僊僊其未醉止威



儀抑抑曰既醉止威儀忸忸是曰既醉不知其秩必毗必反

賓既醉止載號載嗽亂我籩豆屢舞傲傲是曰既醉不知其郵側弁之俄屢舞僭僭既醉而出並受其福醉而不出是謂伐德飲酒孔嘉維其令儀傲起其反 僭素多反

凡此飲酒或醉或否既立之監或佐之史彼醉不減不醉反恥式勿從謂無禪大怠匪言勿言匪由勿語由醉之言俾出童羗三爵不識矧敢多又

賓之初筵五章章十四句

魚在在藻有頒其首王在在鎬豈樂飲酒  
魚在在藻有莘其尾王在在鎬飲酒樂豈  
魚在在藻依于其蒲王在在鎬有那其居

魚藻三章章四句

采芣采芣筐之筥之君子來朝何錫予之雖無予之路車乘馬又何予之玄衮及黼  
感沸檻泉言采其芹君子來朝言觀其旂其旂淠淠鸞聲嘒嘒載駟載駟君子所屆淠匹弊反  
赤芾在股邪幅在下彼交匪紆天子所予樂只君



子天子命之樂只君子福祿申之

維柞之枝其葉蓬蓬樂只君子殿天子之邦樂只

君子萬福攸同平平左右亦是率從

平聲延反

汎汎揚舟緜纒維之樂只君子天子葵之樂只君

子福祿膺之優哉游哉亦是戾矣

汎芳劍反

采菽五章章八句

駢駢角弓翩其反矣兄弟昏姻無胥遠矣

爾之遠矣民胥然矣爾之教矣民胥倣矣

此令兄弟綽綽有裕不令兄弟交相為瘡

民之無良相怨一方受爵不讓至于已斯六

老馬反為駒不顧其後如食宜餽如酌孔取

毋教猥升木如塗塗附君子有徽猷小人與屬

雨雪漉漉見晁曰消莫肯下遺式居婁驕

雨雪浮浮見晁曰流如蠻如髦我是用憂

角弓八章章四句

有苑者柳不尚愒焉上帝甚蹈無自暱焉俾予靖

之後予極焉

有苑者柳不尚愒焉上帝甚蹈無自察焉俾予靖

之後予邁焉

有鳥高飛亦傳于天彼人之心于何其臻曷予靖



之居以凶矜

苑柳三章章六句

都人士之什二之八

彼都人士狐裘黃黃其容不改出言有章行歸于周萬民所望

彼都人士臺笠緇撮彼君子女綢直如髮我不見兮我心不說

彼都人士充耳琇實彼君子女謂之尹吉我不見兮我心苑結

彼都人士垂帶而厲彼君子女卷髮如蠶我不見

兮言從之邁

厲音例

匪伊垂之帶則有餘匪伊卷之髮則有旃我不見兮云何肝矣

都人士五章章六句

終朝采綠不盈一匊予髮曲局薄言歸沐

終朝采藍不盈一襜五日為期六日不詹

詹尺占反

之子于狩言韋其弓之子于釣言綸之繩

其鉞維何維魴及鱮維魴及鱮薄言觀者

采綠四章章四句

芄芃黍苗陰雨膏之悠悠南行召伯勞之

芃音蓬



我任我輦我車我牛我行既集蓋云歸哉  
我徒我御我師我旅我行既集蓋云歸處  
肅肅謝功召伯管之烈烈征師召伯成之  
原隰既平泉流既清召伯有成王心則寧

則一作載

黍苗五章章四句

隰桑有阿其葉有難既見君子其樂如何  
隰桑有阿其葉有沃既見君子云何不樂  
隰桑有阿其葉有幽既見君子德音孔膠  
心乎愛矣遐不謂矣中心藏之何日忘之

隰桑四章章四句

白華菅兮白茅束兮之子之遠俾我獨兮  
英英白雲露彼菅茅天步艱難之子不猶  
漉池北流浸彼稻田嘯歌傷懷念彼碩人  
樵彼桑薪印烘于熤維彼碩人實勞我心  
鼓鐘于宮聲聞于外念子懔懔視我邁邁  
有鷺在梁有鶴在林維彼碩人實勞我心  
鴛鴦在梁戢其左翼之子無良二三其德  
有扁斯石履之卑兮之子之遠俾我疢兮

白華八章章四句

縣蠻黃鳥止于丘阿道之云遠我勞如何飲之食

漉皮求反



言經上三  
之教之誨之命彼後車謂之載之  
縣蠻黃鳥止于丘隅豈敢憚行畏不能趨飲之食  
之教之誨之命彼後車謂之載之  
縣蠻黃鳥止于丘側豈敢憚行畏不能極飲之食  
之教之誨之命彼後車謂之載之

縣蠻三章章八句

檠檠瓠葉采之烹之君子有酒酌言嘗之  
有兔斯首炮之燔之君子有酒酌言獻之  
有兔斯首燔之炙之君子有酒酌言酢之  
有兔斯首燔之炮之君子有酒酌言醕之

瓠葉四章章四句

漸漸之石維其高矣山川悠遠維其勞矣武人東  
征不遑朝矣

漸士衛反

漸漸之石維其卒矣山川悠遠曷其沒矣武人東  
征不遑出矣

卒音尊入聲

有豕白蹄烝涉波矣月離于畢俾滂沱矣武人東  
征不遑他矣

漸漸之石三章章六句

苕之華芸其黃矣心之憂矣維其傷矣  
苕之華其葉青青知我如此不如無生



牂羊羶首三星在罍人可以食鮮可以飽

牂子桑反

苜之華三章章四句

何草不黃何日不行何人不將經營四方

何草不玄何人不矜哀我征夫獨為匪民

匪兕匪虎率彼曠野哀我征夫朝夕不暇

有芄者狐率彼幽草有棧之車行彼周道

何草不黃四章章四句

大雅三

文王之什三之一

文王在上於昭于天周雖舊邦其命維新有周不

顯帝命不時文王陟降在帝左右

豐豐文王令聞不已陳錫哉周侯文王孫子文王

孫子本支百世凡周之士不顯亦世

世之不顯厥猶翼翼思皇多士生此王國王國克

生維周之楨濟濟多士文王以寧

穆穆文王於緝熙敬止假哉天命有商孫子商之

孫子其麗不億上帝既命侯于周服



言終上文  
侯服于周天命靡常殷士膏敏裸將于京厥作裸  
將常服黼冔王之蓋臣無念爾祖  
無念爾祖聿修厥德末言配命自求多福殷之未  
喪師克配上帝宜鑒于殷駿命不易  
命之不易無遏爾躬宜昭義問有虞殷自天上天  
之載無聲無臭儀刑文王萬邦作孚

文王七章章八句

明明在下赫赫在上天難忱斯不易維王天位殷  
適使不挾四方

摯仲氏任自彼殷商來嫁于周曰嬪于京乃及王

季維德之行大任有身生此文王

維此文王小心翼翼昭事上帝聿懷多福厥德不  
回以受方國

天監在下有命既集文王初載天作之合在洽之

陽在渭之涘文王嘉止大邦有子

大邦有子倪天之妹文定厥祥親迎于渭造舟為

梁不顯其光

有命自天命此文王于周于京纘女維莘長子維

行篤生武王保右命爾燮伐大商

殷商之旅其會如林矢于牧野維予侯興上帝臨



女無貳爾心

牧野洋洋檀車煌煌駟騶彭彭維師尚父時維鷹揚涼彼武王肆伐大商會朝清明

大明八章四章章六句四章章八句

縣縣瓜瓞民之初生自土沮漆古公亶父陶復陶

穴未有家室

古公亶父來朝走馬率西水滸至于岐下爰及姜

女聿來齊宇

周原膺膺董荼如飴爰始爰謀爰契我龜曰止曰

時築室于茲

膺音武

迺慰迺止迺左迺右迺驅迺理迺宜迺敞自西徂

陳周爰執事

乃召司空乃召司徒俾立室家其繩則直縮版以

載作廟翼翼

揀之陿陿度之薨薨築之登登削屢馮馮百堵皆

興馨鼓弗勝

陿耳斤反

迺立臯門臯門有伉迺立應門應門將將迺立冢

土戎醜攸行

肆不殄厥愠亦不隕厥問柞棫拔矣行道兌矣混

夷駝矣維其喙矣

駝突也



虞芮質厥成文王蹶厥生予曰有毓附予曰有先  
後予曰有奔奏予曰有禦侮

縣九章章六句

芄芄棫樸薪之漶之濟濟辟王左右趨之  
濟濟辟王左右奉璋奉璋戔戔髦士攸宜  
淠彼涇舟烝徒楫之周王于邁六師及之  
俾彼雲漢為章于天周王壽考遐不作人  
追琢其章金玉其相勉勉我王綱紀四方

棫樸五章章四句

瞻彼旱麓榛楛濟濟豈弟君子于祿豈弟  
瑟彼玉瓚黃流在中豈弟君子福祿攸降  
鸞飛戾天魚躍于淵豈弟君子遐不作人  
清酒既載騂牡既備以享以祀以介景福  
瑟彼柞棫民所燎矣豈弟君子神所勞矣  
莫莫葛藟施于條枚豈弟君子求福不回

旱麓六章章四句

思齊太任文王之母思媚周姜京室之婦太姒嗣  
徽音則百斯男  
惠于宗公神罔時怨神罔時恫刑于寡妻至于兄  
弟以御于家邦

芄音蓬  
樸音卜

淠匹世二

棫音日



玩  
反古

雖雖在宮肅肅在廟不顯亦臨無射亦保  
肆戎疾不殄烈假不瑕不聞亦式不諫亦入  
肆成人有德小子有造古之人無斁譽髦斯士

思齊五章二章章六句二章章四句

皇矣上帝臨下有赫監觀四方求民之莫維此二  
國其政不獲維彼四國爰究爰度上帝耆之曾  
其式廓乃眷西顧此維與宅

柳音例

作之屏之其當其翳修之平之其灌其榭啓之辟  
之其榿其楛攘之剔之其槩其柘帝遷明德串  
夷載路天立厥配受命既固

榿丑成反音禡楛卷居反  
槩易解反 柘章皮反

帝省其山柞榿斯拔松柏斯兌帝作邦作對自大  
伯王季維此王季因心則友則友其兄則篤其  
慶載錫之光受祿無喪奄有四方

維此王季帝度其心貊其德音其德克明克明克  
類克長克君王此大邦克順克比比于文王其  
德靡悔既受帝祉施于孫子

帝謂文王無然畔援無然歆羨誕先登于岸密人  
不恭敬距大邦侵阮徂共王赫斯怒爰整其旅  
以按徂旅以篤于周祜以對于天下

依其在京侵自阮疆陟我高岡無矢我陵我陵我

詩經三

下

四十二



阿無飲我泉我泉我池度其鮮原居岐之陽在  
渭之將萬邦之方下民之王

帝謂文王予懷明德不大聲以色不長夏以革不  
識不知順帝之則帝謂文王詢爾仇方同爾兄  
弟以爾鈞援與爾臨衝以伐崇墉

臨衝閑閑崇墉言言執訊連連攸馘安安是類是  
禡是致是附四方以無侮臨衝第第崇墉仡仡  
是伐是肆是絕是忽四方以無拂

皇矣八章章十二句

經始靈臺經之營之庶民攻之不日成之經始勿

亟庶民子來

王在靈囿麀鹿攸伏麀鹿濯濯白鳥翯翯王在靈

沼於羽魚躍

習戶角反

虞業維縱黃鼓維鏞於論鼓鐘於樂辟靡

縱七凶反  
論倫同

於論鼓鐘於樂辟靡鼙鼓逢逢矇瞍奏公

貫符分反

靈臺四章二章章六句二章章四句

下當作文字讀

下武維周世有哲王三后在天王配于京

王配于京世德作求求言配命成王之孚

成王之孚下土之式求言孝思孝思維則

媚茲一人應侯順德求言孝思昭哉嗣服



昭カヒ茲ニ來リ許シ繩ヲ其ノ祖ヲ武ヲ於テ萬ニ斯ニ年ニ受ケ天ノ之ノ祐ヲ四ノ方ノ來リ賀ス於テ萬ニ斯ニ年ニ不レ遐ニ有レ佐ケ

下武六章章四句

文王有聲ソノ通ニ駿ニ有聲ソノ通ニ求テ厥ノ寧ヲ適ニ觀ル厥ノ成ヲ文王ハ丞ニ哉

文王受命ヲ有此ノ武功ヲ既ニ伐テ于テ崇ヲ作ル邑ヲ于テ豐ニ文王ハ丞ニ哉

哉

築城ヲ伊ニ滅ス作ル豐ヲ伊ハ匹ニ匪ス棘ニ其ノ欲ヲ適ニ追テ來ス孝王ハ后ニ丞ニ哉

哉

王公ハ伊ニ濯ス維ニ豐ニ之ノ垣ヲ四ノ方ノ攸ニ同ニ王ハ后ニ維ニ翰ニ王ハ后ニ丞ニ哉

哉

豐水東注ニ維ニ禹ノ之ノ績ヲ四ノ方ノ攸ニ同ニ皇王ハ維ニ辟ニ皇王ハ丞ニ哉

哉

鎬京ハ辟ニ靡ニ自ニ西ニ自ニ東ニ自ニ南ニ自ニ北ニ無ニ思ニ不レ服ニ皇王ハ丞ニ哉

哉

考ト維ニ王ノ宅ヲ是ニ鎬京ニ維ニ龜ニ正ニ之ヲ武王ハ成ニ之ヲ武王ハ丞ニ哉

哉

豐水有ニ芭ニ武王ハ豈ニ不レ仕ニ詒ニ厥ノ孫ニ謀ヲ以テ燕ニ翼ニ子ヲ武王ハ丞ニ哉

丞ニ哉

文王有聲八章章五句



生民之什三之二

厥初生民時維姜嫄生民如何克禋克祀以弗無  
子履帝武敏歆攸介攸止載震載夙載生載育  
時維后稷

誕彌厥月先生如達不圻不副無蓄無害以赫厥  
靈上帝不寧不康禋祀居然生子

誕寘之隘巷牛羊腓字之誕寘之平林會伐平林  
誕寘之寒冰鳥覆翼之鳥乃去矣后稷呱矣實

覃實訶厥聲載路四六句同皇王無疆皇王不  
誕實匍匐克岐克嶷以就口食藐之荏苒荏苒

旆木役稷稷麻麥蒙蒙瓜瓞嗶嗶嶷魚極反 蒙莫孔反

誕后稷之穠有相之道弗厥豐草種之黃茂實方  
實苞實種實裒實發實秀實堅實好實穎實粟

卽有郇家室

誕降嘉種維秬維秠維糜維芑恒之秬秠是穫是  
畝恒之糜芑是任是負以歸肇祀糜音門

誕我祀如何或春或榆或籛或蹂釋之叟叟烝之  
浮浮載謀載惟取蕭祭脂取羝以較載燔載烈

以興嗣歲叟所留反

卍盛于豆于豆于登其香始升上帝居歆胡臭亶

生民



時后稷肇祀庶無罪悔以迄于今

生民八章四章章十句四章章八句

敦彼行葦牛羊勿踐履方苞方體維葉泥泥戚戚

兄弟莫遠具爾或肆之筵或授之几

敦徒端反

肆筵設席授几有緝御或獻或酢洗爵奠斝醕醢

以薦或燔或炙嘉穀脾臄或歌或嘏

羊古雅反 臄渠略反

敦弓既堅四鍤既鈞舍矢既均序賓以賢敦弓既

向既挾四鍤四鍤如樹序賓以不侮

曾孫維主酒醴維醕酌以太斗以祈黃耆黃耆台

背以引以翼壽考維祺以介景福

行葦四章章八句

既醉以酒既飽以德君子萬年介爾景福

既醉以酒爾殽既將君子萬年介爾昭明

昭明有融高朗令終令終有俶公尸嘉告

其告維何邊豆靜嘉朋友攸攝攝以威儀

威儀孔時君子有孝子孝子不匱永錫爾類

其類維何室家之壺君子萬年永錫祚胤

壺苦本反 僕附也

其胤維何天被爾祿君子萬年景命有僕

其僕維何釐爾女士釐爾女士從以孫子

既醉八章章四句



鳧鷖在涇公尸來燕來寧爾酒既清爾殽既馨公

尸燕飲福祿來成

鷖於鷄反

鳧鷖在沙公尸來燕來宜爾酒既多爾殽既嘉公

尸燕飲福祿來為

鳧鷖在渚公尸來燕來處爾酒既湑爾殽伊脯公

尸燕飲福祿來下

鳧鷖在梁公尸來燕來宗既燕于宗福祿攸降公

尸燕飲福祿來崇

梁左公反

鳧鷖在臺公尸來止熏熏旨酒欣欣燔炙芬芬公

尸燕飲無有後艱

臺音門

鳧鷖五章章六句

假樂君子顯顯令德宜民宜人受祿于天保佑命  
之自天申之

千祿百福子孫千億穆穆皇皇宜君宜王不愆不  
忘率由舊章

威儀抑抑德音秩秩無怨無惡率由羣匹受福無  
疆四方之綱

之綱之紀燕及朋友百辟卿士媚于天子不解于  
位民之攸暨

假樂四章章六句



篤公劉匪居匪康迺場迺廛迺疆迺積迺倉迺裹餼糧  
于橐于囊思輯用光弓矢斯張于戈戚揚爰方  
啓行場音日勿

篤公劉于胥斯原既庶既繁既順迺宣而無求嘆  
陟則在嘯復降在原何以舟之維玉及瑤鞞琫  
容刀

篤公劉逝彼百泉瞻彼溥原迺陟南岡乃覲于京  
京師之野于時處處于時廬放于時言言于時  
語語

篤公劉于京斯依踳踳濟濟俾筵俾几既登乃依  
乃造其曹執殽于宇酌之用醕食之飲之君之  
宗之

篤公劉既溥既長既景迺岡相其陰陽觀其流泉  
其軍三單度其隰原徹田為糧度其夕陽幽居  
允荒單音丹

篤公劉于豳斯館涉渭為亂取厲取鍛止基迺理  
爰衆爰有夾其皇澗遡其過澗止旅迺密芮鞠  
之卽鍛丁乱反

公劉六章章十句

泂酌彼行潦挹彼注兹可以餽饗豈弟君子民之



父母

洞酌彼行潦挹彼注茲可以濯鬢豈弟君子民之攸歸

洞酌彼行潦挹彼注茲可以濯漑豈弟君子民之攸暨

洞酌二章章五句

有卷者阿飄風自南豈弟君子來游來歌以矢其音

伴魚爾游矣優游爾休矣豈弟君子俾爾彌爾性似先公酋矣

爾土宇既章亦孔之厚矣豈弟君子俾爾彌爾性百神爾主矣

爾受命長矣弗祿爾康矣豈弟君子俾爾彌爾性純嘏爾常矣

弗音弗

有馮有翼有孝有德以引以翼豈弟君子四方為

顯顯印印如圭如璋令聞令望豈弟君子四方為

綱鳳凰于飛翾翾其羽亦集爰止藹藹王多吉士維

君子使媚于天子

詩經五



鳳凰于飛翾翾其羽亦傳于天藹藹王多吉人維  
君子命媚于庶人

鳳凰鳴矣于彼高岡梧桐生矣于彼朝陽萋萋  
萋離離嗃嗃

君子之車既庶且多君子之馬既閑且馳矢詩不  
多維以遂歌

卷阿十章六章章五句四章章六句

民亦勞止汙可小康惠此中國以綏四方無縱詭  
隨以謹無良式遏寇虐懼不畏明柔遠能邇以  
定我王

憚魯也

民亦勞止汙可小休惠此中國以為民逖無縱詭  
隨以謹憚傲式遏寇虐無俾民憂無棄爾勞以  
為王休

民亦勞止汙可小息惠此京師以綏四國無縱詭  
隨以謹罔極式遏寇虐無俾作慝敬慎威儀以  
近有德

民亦勞止汙可小憚惠此中國俾民憂泄無縱詭  
隨以謹醜厲式遏寇虐無俾正敗戎雖小子而  
式弘大

民亦勞止汙可小安惠此中國國無有殘無縱詭



言終  
隨以謹繾綣式遏寇虐無俾正反王欲玉女是用大諫

民勞五章章十句

上帝板板下民卒瘁出話不然為猶不遠靡聖管  
管不實於亶猶之未遠是用大諫

天之方難無然憲憲天之方蹶無然泄泄辭之輯  
矣民之洽矣辭之懌矣民之莫矣

我雖異事及爾同僚我即爾謀聽我訾費我言維  
服勿以為笑先民有言詢于芻蕘

天之方虐無然譖譖老夫灌灌小子蹻蹻匪我言  
耄爾用憂譖多將熇熇不可救藥

天之方憊無為夸毗威儀卒迷善人載尸民之方  
殿屎則莫我敢葵喪亂蔑資曾莫惠我師

天之牖民如堦如篴如璋如圭如取如攜攜無日  
益牖民孔易民之多辟無自立辟

佺人維藩大師維垣太邦維屏大宗維翰懷德維  
寧宗子維城無俾城壞無獨斯畏

敬天之怒無敢戲豫敬天之渝無敢馳驅昊天曰  
明及爾出王昊天曰且及爾游衍

板八章章八句



蕩之什三之三

蕩蕩上帝下民之辟疾威上帝其命多辟天生烝

民其命匪諶靡不有初鮮克有終

文王曰咨咨女殷商會是疆禦會是培克會是在

位曾是在服天降陷德女與是力

文王曰咨咨女殷商而秉義類疆禦多對流言以

對寇攘式內侯作侯祝靡屆靡究

文王曰咨咨女殷商女魚休于中國斂怨以為德

天不明爾德時無背無側爾德不明以無陪無卿

文王曰咨咨女殷商天不洎爾以酒不義從式既

愆爾止靡明靡晦式號式呼俾晝作夜

文王曰咨咨女殷商如蜩如蟴如沸如羹小大近

喪人尚乎由行內異于中國覃及鬼方

文王曰咨咨女殷商匪上帝不時殷不用舊雖無

老成人尚有典刑曾是莫聽太命以傾

文王曰咨咨女殷商人亦有言顛沛之揭枝葉未

有害本實先撥殷鑒不遠在夏后之世

蕩八章章八句

抑抑威儀維德之隅人亦有言靡哲不愚庶人之

愚亦職維疾哲人之愚亦維斯戾

魚反白 交反火 然反 陪反 同反



之  
音沈

無競維人四方其訓之有覺德行四國順之訐謨  
定命遠猶辰告敬慎威儀維民之則

其在于今興迷亂于政顛覆厥德荒湛于酒女雖  
湛樂從弗念厥紹罔敷求先王克共明刑

肆皇天弗尚如彼流泉無淪胥以亡夙興夜寐酒  
埽廷內維民之章修爾車馬弓矢戎兵用戒戎

作用過蠻方

質爾人民謹爾侯度用戒不虞慎爾出詒敬爾威  
儀無不柔嘉白圭之玷尚可磨也斯言之玷不  
可為也

無易由言無曰苟矣莫捫朕舌言不可逝矣無信  
不讎無德不報惠于朋友庶民小子子孫繩繩

萬民靡不承

視爾友君子輯柔爾顏不遐有愆相在爾室尚不  
愧于屋漏無曰不顯莫予云觀神之格思不可

度思矧可射思

辟爾為德俾臧俾嘉淑慎爾止不愆于儀不僭不  
賊鮮不為則拔我以桃報之以李彼童而角實

虹小子

苕藻柔木言緝之絲溫溫恭人維德之基其維哲

詩經卷之三



人告之誥言順德之行其維愚人覆謂我僭民各有心

於乎小子未知臧否匪手攜之信示之事匪面命之言提其耳借曰未知亦既抱子民之靡盈誰夙知而莫成

昊天孔昭我生靡樂視爾夢夢我心慘慘誨爾諄諄聽我藐藐匪用為教覆用為虐借曰未知亦聿既耄

「聽用我謀一本作聽我用謀」

於乎小子告爾舊止聽用我謀庶無大悔天方艱難曰喪厥國取譬不遠昊天不忒回遹其德徂民大棘

抑十二章三章章八句九章章十句

芟彼桑柔其下侯甸捋采其劉瘼此下民不殄心憂倉兇填兮俾彼昊天寧不我矜

此虛放反與悅同

四牡騤騤旟旐有翩亂生不夷靡國不泯民靡有夭黎具禍以燼於乎有哀國步斯頻

國步蔑資天不我將靡所止疑云徂何往君子實維秉心無競誰生厲階至今為梗

憂心愬愬念我土宇我生不辰逢天俾怒自西徂東靡所定處多我覲瘠孔棘我圉



為謀為謀亂况斯削告爾憂恤誨爾序爵誰能執  
熱逆不以濯其何能淑載胥及溺

如彼遘風亦孔之僂民有肅心莽云不逮好是稼  
穡力民代食稼穡維寶代食維好

天降喪亂滅我立王降此蝨賊稼穡卒痒哀恫中  
國具贅卒荒靡有旅力以念穹蒼

贅偏也

維此惠君民人所瞻秉心宣猶考慎其相維彼不  
順自獨俾臧自有肺腸俾民卒狂

瞻彼中林牲牲其鹿朋友已諧不胥以穀人亦有  
言進退維谷

牲所中反

維此聖人瞻言百里維彼愚人覆狂以喜匪言不  
能胡斯畏忌

維此良人弗求弗迪維彼忍心是顧是復民之貪  
亂寧為荼毒

大風有隧有空大谷維此良人作為式穀維彼不  
順征以中垢

大風有隧貪人敗類聽言則對誦言如醉匪用其  
良覆俾我悖

嗟爾朋友予豈不知而作如彼飛蟲時亦弋獲既  
之陰女反予來赫



民之罔極職涼善背為民不利如云不克民之回  
適職競用力

民之未戾職盜為寇涼曰不可覆背善言雖曰匪  
予既作爾歌

桑柔十六章八章章八句八章章六句

倬彼雲漢昭回于天王曰於乎何辜今之人天降  
喪亂饑饉薦臻靡神不舉靡愛斯牲圭璧既卒  
寧莫我聽

早既大甚蘊隆蟲蟲不殄禋祀自郊徂宮上下奠  
瘞靡神不宗后稷不克上帝不臨耗斁下土寧

丁我躬

早既大甚則不可推兢兢業業如霆如雷周餘黎  
民靡有孑遺昊天上帝則不我遺胡不相畏先  
祖于摧

早既大甚則不可沮赫赫炎炎云我無所木命近  
止靡瞻靡顧羣公先正則不我助父母先祖胡  
寧忍予

早既大甚滌滌山川早魃為虐如惓如焚我心憚  
暑憂心如熏羣公先正則不我聞昊天上帝寧  
俾我遐



言經正文  
早既大甚，黽勉畏去，胡寧瘖我以旱，憯不知其故。  
祈年孔夙，方社不莫，昊天上帝，則不我虞，敬恭  
明神，宜無悔怒。憯，曾也。

早既大甚，散無友紀，鞫哉庶正，疚哉冢宰，趣馬師  
氏，膳夫左右，靡人不周，無不能止，瞻卬昊天，云  
如何里。

瞻卬昊天，有嘒其星，大夫君子，昭假無贏，大命近  
止，無棄爾成，何求為我，以戾庶正，瞻卬昊天，曷  
惠其寧。

雲漢八章章十句

崧高維嶽，駿極于天，維嶽降神，生甫及申，維申及

甫，維周之翰，四國于蕃，四方于宣。

亶亶申伯，王纘之事，于邑于謝，南國是式，王命召

伯，定申伯之宅，登是南邦，世執其功。

王命申伯，式是南邦，因是謝人，以作爾庸，王命召

伯，徹申伯土田，王命傅御，遷其私人。庸，城也。

申伯之功，召伯是營，有徯其城，寢廟既成，既成藐

藐，王錫申伯，四牡騶駒，鈞膺濯濯。

王遣申伯，路車乘馬，我圖爾居，莫如南土，錫爾介

圭，以作爾寶，往近王舅，南土是保。

近，鄭音記，按記文從是從，可今從介。



申伯信邁王餞于郇申伯還南謝于誠歸王命召伯徹申伯土疆以峙其糗式造其行

申伯番番既入于謝徒御蹕蹕周邦咸喜戎有良翰不顯申伯王之元舅文武是憲

番音波  
蹕音吐丹反

申伯之德柔惠且直採此萬邦聞于四國吉甫作誦其詩孔碩其風肆好以贈申伯

崧高八章章八句

天生烝民有物有則民之秉彝好是懿德天監有周昭假于下保茲天子生仲山甫

仲山甫之德柔嘉維則令儀令色小心翼翼古訓是式威儀是力天子是若明命使賦

王命仲山甫式是百辟績戎祖考王躬是保出納王命王之喉舌賦政于外四方爰發

肅肅王命仲山甫將之邦國若否仲山甫明之既明且哲以保其身夙夜匪解以事一人

人亦有言柔則茹之剛則吐之維仲山甫柔亦不茹剛亦不吐不侮矜寡不畏彊禦

人亦有言德輶如毛民鮮克舉之我儀圖之維仲山甫舉之愛莫助之衮職有關維仲山甫補之

仲山甫出祖四牡業業征夫捷捷每懷靡及四牡

接反

詩經

卷之五



言經正文  
彭彭八鸞鏘鏘王命仲山甫城彼東方  
四牡駉駉八鸞喈喈仲山甫徂齊式邁其歸吉甫  
作誦穆如清風仲山甫永懷以慰其心

烝民八章章八句

奕奕梁山維禹甸之有倬其道韓侯受命王親命  
之纘戎祖考無廢朕命夙夜匪解虔共爾位朕  
命不易幹不庭方以佐戎辟

四牡奕奕孔修且張韓侯入覲以其介圭入覲于  
王王錫韓侯淑旂綬章篚第錯衡玄衮赤鳥鈞  
膺鏤錫鞞鞞淺濈條革金厄

錫立百羊濈莫歷反  
條音條

韓侯出祖出宿于屠顯父餞之清酒百壺其殽維

何魚鼈鮮魚其藪維何維筍及蒲其贈維何乘

馬路車邊豆有且侯氏燕胥

藪音速

韓侯取妻汾王之甥蹶父之子韓侯迎止于蹶之

里百兩彭彭八鸞鏘鏘不顯其光諸娣從之祔

祔如雲韓侯顧之爛其盈門

蹶俱衛反

蹶父孔武靡國不到為韓姑相攸莫如韓樂孔樂

韓土川澤訏訏魴鱖甫甫麀鹿嘒嘒有熊有罷

有貓有虎慶既令居韓姑燕譽

訏訏甫反嘒愚甫反  
貓音苗

溥彼韓城燕師所完以先祖受命因時百蠻王錫



韓侯其追其貊奄受北國因其伯實痛實鑿  
實畝實籍獻其貔皮赤豹黃羆

追都回反貊母然反  
貔音毗

韓奕六章章十二句

江漢浮浮武夫滔滔匪安匪遊淮夷來求既出我  
車既設我旗匪安匪舒淮夷來鋪

江漢湯湯武夫泱泱經營四方告成于王四方既

平王國庶定時靡有爭王心載寧

湯書羊反

江漢之滸王命召虎式辟四方徹我疆土匪疾匪

棘王國來極于疆于理至于南海

王命召虎來旬來宣文武受命召公維翰無日不

小子召公是似肇敏戎公用錫爾祉

似嗣也

釐爾圭瓚秬鬯一卣告于文人錫山土田于周受

命自召祖命虎拜稽首天子萬年

與音酉

虎拜稽首對揚王休作召公考天子萬壽明明天

子令聞不已矢其文德洽此四國

江漢六章章八句

赫赫明明王命卿士南仲大祖大師皇父整我六

師以修我戎既敬既戒惠此南國

王謂尹氏命程伯休父左右陳行戒我師旅率彼

淮浦省此徐土不留不處三事就緒



赫赫業業有嚴天子王舒保作匪紹匪遊徐方釋  
騷震驚徐方如雷如霆徐方震驚

王奮厥武如震如怒進厥虎臣闕如虢虎鋪敦淮  
濱仍執醜虜截彼淮浦王師之所

王旅嘽嘽如飛如翰如江如漢如山之苞如川之  
流繇繇翼翼不測不克濯征徐國

王猶允塞徐方既來徐方既同天子之功四方既  
平徐方來庭徐方不回王曰還歸

常武六章章八句

瞻卬昊天則不我惠孔填不寧降此大厲邦靡有  
定士民其瘵蟲賊蟲疾靡有夷屆罪罟不收靡  
有夷瘳

人有土田女反有之人有民人女覆奪之此宜無  
罪女反收之彼宜有罪女覆說之

哲夫成城哲婦傾城懿厥哲婦為梟為鴟婦有長  
舌維厲之階亂匪降自天生自婦人匪教匪誨  
時維婦寺

韜人伎忒譖始竟背豈曰不極伊胡為慝如賈三  
倍君子是識婦無公事休其蠶織

天何以刺何神不富舍爾介狄維予昏忌不弔不



祥威儀不類人之云亡邦國殄瘁

殄徒典反

天之降罔維其優矣人之云亡心之憂矣天之

罔維其幾矣人之云亡心之悲矣

感沸檻泉維其深矣心之憂矣寧自今矣不自我

先不自我後藐藐昊天無不克鞏無忝皇祖式

救爾後

瞻卬七章二章章十句四章章八句

昊天疾威天篤降喪瘠我饑饉民卒流亡我居圉

卒荒

天降罪罟蟲賊內訌昏椽靡共潰潰回遘實靖夷

我邦

椽丁角反

皁皁訛訛曾不知其玷兢兢業業孔填不寧我位

孔貶

如彼歲旱草不潰茂如彼棲苴我相此邦無不潰

止

苴七如反

維昔之富不如時維今之疚不如茲彼疏斯禱胡

不自替職允斯引

裨蒲責反

池之竭矣不云自頽泉之竭矣不云自中溥斯害

矣職允斯引不裁我躬

昔先王受命有如召公曰辟國百里今也日蹙國



百里於乎哀哉維今之人不尚有舊  
召昊七章四章章五句三章章七句

頌四

周頌清廟之什四之一

於穆清廟肅雝顯相濟濟多士秉文之德對越在天駿奔走在廟不顯不承無射於人斯

清廟一章八句

維天之命於穆不已於乎不顯文王之德之純假以溢我我其收之駿惠我文王曾孫篤之

維天之命一章八句

維清緝熙文王之典肇禋迄用有成維周之禎

維清一章五句

烈文辟公錫茲祉福惠我無疆子孫保之無封靡

于爾邦維王其崇之念茲戎功繼序其皇之無競維人四方其訓之不顯維德百辟其刑之於

乎前王不忘

烈文一章十二句

天作高山大王荒之彼作矣文王康之彼岵矣岐有夷之行子孫保之

天作一章七句



昊天有成命二后受之成王不敢康夙夜基命宥  
密於緝熙畢厥心肆其靖之

昊天有成命一章七句

我將我享維羊維牛維天其右之儀式刑文王之  
典日靖四方伊嘏文王既右享之我其夙夜畏  
天之威于時保之

我將一章十句

時邁其邦昊天其子之實右序有周薄言震之莫  
不震疊懷柔百神及河喬嶽允王維后明昭有  
周式序在位載戢干戈載櫜弓矢我求懿德肆  
于時夏允王保之

時邁一章十五句

執競武王無競維烈不顯成康上帝是臯自彼成  
康奄有四方斤斤其明鐘鼓喤喤磬筦將將降  
福穰穰降福簡簡威儀反反既醉既飽福祿來  
反

執競一章十四句

思文后稷克配彼天立我烝民莫匪爾極貽我來  
牟帝命率育無此疆爾界陳常于時夏

思文一章八句



周頌臣工之什四之二

嗟嗟臣工敬爾在公王釐爾成來咨來茹嗟嗟保  
介維莫之春亦又何求如何新畲於皇來牟將  
受厥明明昭上帝迄用康年命我眾人痔乃錢

鑄奄觀銜艾

畚音余 鑄音博  
銜珍乘反

臣工一章十五句

意嘻成王既昭假爾率時農夫播厥百穀駿發爾  
私終三十里亦服爾耕十千維耦

噫嘻一章八句

振鷺于飛于彼西雝我客戾止亦有斯客在彼無  
惡在此無穀庶幾夙夜以求終譽

振鷺一章八句

豐年多黍多稌亦有高廩萬億及秬為酒為醴永  
畀祖妣以洽百禮降福孔皆

豐年一章七句

有瞽有瞽在周之庭設業設虞崇牙樛羽應田縣  
鼓鞀磬祝圉既備乃奏簫管備舉嗶嗶厥聲蕭  
維和鳴先祖是聽我客戾止永觀厥成

有瞽一章十三句

猗與漆沮潛有多魚有鱸有鮪鱸鱒鯉鯉以享以



詩經卷之六  
禮以介景福

潛一章六句

有來雝雝至止肅肅相維辟公天子穆穆於薦廣  
牡相予肆祀假哉皇考綏予孝子宜哲維人文  
武維后燕及皇天克昌厥後綏我眉壽介以繁  
祉既右烈考亦右文母

雝一章十六句

載見辟王曰求厥章龍旂陽陽和鈴央央儵革有  
鶴休有烈光率見昭考以孝以享以介眉壽求  
言保之思皇多祐烈文辟公綏以多福俾緝熙  
于純嘏

載見一章十四句

有客有客亦白其馬有萋有且敦琢其旅有客宿  
宿有客信信言授之繫以繫其馬薄言追之左  
右綏之既有淫威降福孔夷

敦都回反

有客一章十二句

於皇武王無競惟烈允文文王克開厥後嗣武受  
之勝殷遏劉考定爾功

武一章七句

周頌閔予小子之什四之三







妣以洽百禮有飴其香邦家之光有極其馨  
考之寧匪且有且匪今斯今振古如茲

載芟一章三十一句

夏楚側反

芟芟良耜俶載南畝播厥百穀實函斯活或來瞻  
女載筐及筥其饌伊黍其笠伊紉其鏞斯趙以  
憐荼藜荼藜朽止黍稷茂止穫之桎桎積之粟  
栗其崇如墉其比如櫛以開百室百室盈止婦  
子寧止殺時特牲有捄其角以似以續續古之  
人桎音質

良耜一章二十二句

絲衣其紉載弁俤俤自堂徂基自羊徂牛飛鼎及  
龜兕觥其觶旨酒思柔不吳不敖胡考之休

絲衣一章九句

紉字浮反

龜乃代反

嘉音對

於鑠王師遵養時晦時純熙矣是用大介我能受  
之躋躋上之造載用有嗣實維爾公允師

酌一章八句

龍羅同

綏萬邦屢豐年天命匪解桓桓武王保有厥土于  
以四方克定厥家於昭于天皇以間之

桓一章九句

文王既勤止我應受之敷時繹思我祖

定



周之命於釋思

意當也

賚一章六句

於皇時周陟其高山  
隴山喬嶽允猶翕河  
敷天之命下哀時之對時周之命

般一章七句

魯頌四之四

駟駟牡馬在坰之野  
薄言駟者有駟有皇有驪  
有黃以車彭彭思無疆  
思馬斯臧駟駟牡馬在坰之野  
薄言駟者有駟有駟有駟  
有駟以車伾伾思無期  
思馬斯才

駟古榮反坰同音

駟九吉反

駟音佳

駟符丕反

駟駟牡馬在坰之野  
薄言駟者有駟有駟有駟

駟徒河反

維以車繹繹思無斁  
思馬斯作

駟音留

駟駟牡馬在坰之野  
薄言駟者有駟有駟有駟

駟音因駟音退

魚以車祛祛思無邪  
思馬斯徂

駟音留

駟四章章八句

有駟有駟彼乘黃  
夙夜在公在公明明  
振振鷺鷺于下鼓咽咽  
醉言舞于胥樂兮

駟音留必反

有駟有駟彼乘牡  
夙夜在公在公飲酒  
振振鷺鷺于飛鼓咽咽  
醉言歸于胥樂兮

駟音留必反

有駟有駟彼乘駟  
夙夜在公在公載燕  
喜兮



始歲其有君子有穀詒孫子于胥

有駟二章章九句

思樂泮水薄采其芹魯侯戾止言觀其旂其旂  
旂鸞聲噦噦無小無大從公于邁

旂音害反

思樂泮水薄采其藻魯侯戾止其馬蹻蹻其馬蹻  
蹻其音昭昭載色載笑匪怒伊教

思樂泮水薄采其芣魯侯戾止在泮飲酒既飲肯  
酒未錫難老順彼長道留此羣醜

屈服也

穆穆魯侯敬明其德敬慎威儀維民之則  
武昭假烈祖靡有不孝自求伊姑

明明魯侯克明其德既作泮宮淮夷攸服矯矯  
臣在泮獻馘淑問如臯陶在泮獻囚

濟濟多士克廣德心桓桓于征狄彼東南烝烝皇  
皇不吳不揚不告于訕在泮獻功

狄花邊也

角弓其觶束矢其搜戎車孔博徒御無數既克淮  
夷孔淑不逆式固爾猶淮夷卒獲

翩彼飛鴉集于泮林食我桑黹懷我好音憬彼淮  
夷來獻其琛元龜象齒大賂南金

閔筆位反

泮水八章章八句

恤音戲

閔宮有恤實實枚枚赫赫姜嫄其德不回

詩經注



依無災無害彌月不遲是生后稷降之百福  
稷重穆植穉菽麥奄有下國俾民稼穡有稷有  
黍有稻有秬奄有下土續禹之緒

植音職

后稷之孫實維大王居岐之陽實始翦商至于文  
武績太王之緒致天之屆于牧之野無貳無虞  
上帝臨女敦商之旅克咸厥功王曰叔父建爾  
元子俾侯于魯大啓爾宇為周室輔  
敦治之也 咸同也  
乃命魯公俾侯于東錫之山川土田附庸周公之  
孫莊公之子龍旂承祀六轡耳耳春秋曰解享  
祀不忒皇皇后帝皇祖后稷享以辭犧是饗

宜降福既多周公皇祖亦其福也

耳音兒

秋而載嘗夏而禘衡白牡騂剛犧尊將將毛魚蔬  
羹蓬豆大房萬舞洋洋孝孫有慶俾爾熾而昌  
俾爾壽而臧保彼東方魯邦是常不虧不崩不  
震不騰三壽作朋如岡如陵

歲側吏反

公車千乘朱英綠滕二矛重弓公徒三萬貝冑朱  
綬丞徒增增戎狄是膺荆舒是懲則莫我敢承  
俾爾昌而熾俾爾壽而富黃髮台背壽胥與武

害 綬音侵



泰山巖巖魯邦所詹奄有龜蒙遂荒大東至乎淮  
邦淮夷來同莫不率從魯侯之功  
保有鳧繹遂荒徐宅至干海邦淮夷蠻貊及彼南  
夷莫不率從莫敢不諾魯侯是若  
天錫公純嘏眉壽保魯居常與許復周公之宇魯  
侯燕喜令妻壽母宜大夫庶士邦國是有既多  
受祉黃髮兒齒  
徂來之松新甫之栢是斷是度是尋是尺松栢有  
材焉路寢孔碩新廟奕奕奚斯所作孔曼且碩高  
民是若

閔宮九章五章章十七句二章章八句

十乘章章十句

不商頌之什四之五

猗與那與置我鞀鼓奏鼓簡簡衍我烈祖湯孫奏  
假紘我思成鞀鼓淵淵嘒嘒管聲既和且平依  
我聲聲於赫湯孫穆穆厥聲庸鼓有數萬舞有  
奕我有嘉客亦不夷懌自古在昔先民有作溫  
恭朝夕執事有恪顧予烝嘗湯孫之將

數音亦 夷悅也

那一章二十二句

嗟嗟烈祖有秩斯祐申錫無疆及爾斯所既載



酤賚我思成亦有和羹既戒既平醴假無咎時  
靡有爭綏我眉壽黃耆無疆約軼錯衡八鸞鶴  
鶴以假以享我受命溥將自天降康豐年穰穰  
來假來饗降福無疆顧予烝嘗湯孫之將

列祖一章二十二句

軼音祈支反

天命玄鳥降而生商宅殷土芒芒古帝命武湯正  
域彼四方方命厥后奄有九有商之先后受命  
不殆在武丁孫子武丁孫子武王靡不勝龍旂  
十乘大糴是承邦畿千里維民所止肇或彼四  
海四海來假來假祈祈景湏維河殷受命咸宜

百祿是何

玄鳥一章二十二句

濬哲維商長發其祥洪水芒芒禹敷下土方外太  
國是疆幅隕既長有妣方將帝立子生商章章  
玄王桓撥受小國是達受大國是達率履不越遂  
視既發相土烈烈海外有截  
帝命不違至于湯齊湯降不遲聖敬日躋昭假遲  
遲上帝是祗帝命式于九圍  
受小球大球為下國綴旒何天之休不競不綈不  
剛不柔敷政優優百祿是迺



受小共大共為下國駿厖何天之龍敷奏其勇不  
震不動不難不疎百祿是總

龍龍同

卷七

武王載旆有虔秉鉞如火烈烈則莫我敢曷苞有  
三孽莫遂莫達九有有截韋顧既伐昆吾夏桀  
昔在中葉有震且業允也天子降于卿士實維阿  
衡實左右商王

長發七章一章八句四章章七句一章章

九句一章章六句

捷彼殷武奮伐荆楚深入其阻哀荆之旅有裁其  
所湯孫之緒

維女荆楚居國南鄉昔有成湯自彼氐羌莫敢不  
來享莫敢不來王曰商是常

天命多辟設都于禹之績歲事來辟勿予禍適稼

稽匪解

適諳通

天命降監下民有嚴不僭不濫不敢怠遑命于下  
國封建厥福

商邑翼翼四方之極赫赫厥聲濯濯厥靈壽考且  
寧以保我後生

陟彼景山松柏丸丸是斷是遷方斲是虔松栴有  
稊旅楹有閑寢成孔安

九音完



殷武六章三章章六句二章章七句一章  
五句

詩經終

寬保元年辛酉三月吉辰

堀川書舖

松梅軒藏

跋新刊五經正文後

古稱書不盡言言不盡意中華尚然况四方之國自非中華皆不能不譯以通之如本邦讀書固然國音國語倒置轉換纔足以畧通大義不亦難乎蓋出其不得已也譯自有古今地方之不同焉此亦不可不詳也百年来旁譯五經者數十家大率逐字音譯兼副則欲瞭然乎心目而間或迂僻者不為鮮矣童蒙艱焉近者應書賈



某之需而就。東厓先生校本。本重訂正之。凡易則從程本。書則別古今文。禮則以學庸復其舊。蓋竊寓鄙見也。若夫一字該數義者。從來本邦經生所忽。而今音註圈發以別之。庶幾開卷之際。而免檢字之煩乎。止為童蒙之資爾。元文紀元丙辰十月穀旦。門人土佐井戶冕謹跋。





